

甘寧青史略正編

楊思題簽

卷三



甘肅青史略卷之三

三國

蜀漢

昭烈帝

辛丑章武元年

魏黃初二年魏初置涼州以安定太守鄒岐為刺史

時西平麴演結旁郡以拒

岐張掖張進執太守杜通自稱將軍酒泉黃華不受太守辛機各起兵以應演武威三種胡復叛

魏金城太守蘇則武威太守毋邱興暨將軍郝昭發兵救武威河西平

時護羌校尉蘇

則駐金城毋邱興以武威三種胡叛告急於則則將救之郡人皆以為賊勢方盛宜須大軍時將軍郝昭魏平先屯金城受詔不得西度則乃見郡中大吏及昭等謀曰今賊雖盛然皆新合或有脅從未必同心因擊之善惡必離離而歸我我增而彼損也既獲益眾之實且有倍氣之勢耳率以進討破之必矣若待大軍曠日彌久善人無歸必合於惡善惡既合勢難卒離雖有詔命違而合權專之可也昭等從之乃發兵救武威降其三種胡與毋邱興擊張進於張掖鞠演聞之將步騎三千迎則云來助軍實欲為變則誘而斬之出以徇軍其黨皆散走則遂與諸軍圍張掖破之斬進黃華懼乞降河西平初敦煌太守馬艾卒官郡人推功曹張恭行長史事恭遣其子就詣朝廷請太守會黃華張進叛欲與



敦煌人並執就刼以白刃就終不同私與恭疏曰大人率屬敦煌忠義顯然豈以就在困危之中而替之哉今大軍垂至但當促兵以犄之耳願不以下流之愛使就有恨於黃壤也恭即引兵攻酒泉別遣鐵騎二百及官屬緣酒泉北塞東迎太守尹奉黃華欲救張進而西顧恭兵恐擊其後故不得往而降就卒平安奉太守之郡詔賜恭爵關內侯

案金城在今蘭州西永登縣境漢宣帝神爵二年夏五月趙充國平湟中羌振旅而還秋羌斬楊玉以降置金城屬國以處之西南為平番沿門古城又西為射斗城非今之甘肅

省城也後置金城郡三國魏因之東郡仍為金城郡治餘見第一卷神爵秋七月注

慕壽祺曰遇敵不戰則法有逗遛之罪不奉命而戰則法又有擅專之罪然兵有利鈍事有急緩地有遠近責在隨機應變不可以常法拘也建武十二年光武詔邊吏料敵戰守不拘以逗遛法知用兵之要矣蘇則不待大軍發兵救武威將軍郝昭從之豈非達於權變者哉若夫荏苒滿境民望兵如望歲而手握兵符者必請命而後行何拘滯一至此乎

以馬超遷驃騎將軍領涼州牧進封蔡鄉侯

昭烈帝策命曰朕以不德獲繼至尊奉承宗廟曹操父子世載其罪朕用慘怛

疾如疾首海內怨憤歸正反本暨於氏羌率服獯粥慕義以君信著北土威武並昭是以委任授君抗颺虓虎兼董萬里求民之瘼其明宣朝化懷保遠邇肅慎賞罰以篤漢祐以

對於天下

魏西平麴光殺郡守叛張既斬之

西平麴光殺其郡守諸將欲擊之既不許曰惟光等造反郡人未必悉同若便以軍臨之吏民羌戎更相

持箸此爲虎傅翼也乃檄諭諸羌爲光等所誣誤者原之能斬賊帥送首者當加封賞於是光部斬送光首其餘安堵如故

案西平卽古湟中今青海省治西漢詔臨羌等縣屬金城郡後漢建安中置西平亭三國時魏置西平郡晉因之未改北魏廢郡改爲鄯州隋大業初復曰西平郡乃漢破羌縣地

今之樂都縣也唐武德二年改鄯州天寶初復曰西平郡五代曰青唐城爲吐蕃所據宋崇德三年收復改爲西甯州餘見唐德宗興元元年秋八月李晟進爵西平郡王注

王二年 魏文帝曹丕黃初三年 春二月魏復置戊己校尉 鄯善龜茲于闐各遣使奉獻

癸卯三年 帝禪建興元年魏黃初四年吳黃武二年 魏涼州盧水胡伊健妓妾治元多等反以張旣爲刺

史討平之 時河西大擾魏主曰非旣莫能安涼州乃召還鄒岐以旣代之詔曰昔買復請擊鄯賊光武笑曰執金吾擊鄯吾復何憂卿謀略過人今卿其以便宜從

事勿復先請遣護軍夏侯儒將軍費闓等繼其後旣至金城欲渡河諸將守以爲兵少道險未可深入旣曰道雖險非井陘之隘夷狄烏合無左車之計今武威危急赴之宜速遂

渡河賊七千餘騎逆拒軍於鷓陰口旣揚聲軍從鷓陰乃潛由且次出至武威胡以爲神引還顯美旣已據武威曜乃至儒等猶未達旣勞賜將士欲進軍擊胡諸將曰士卒疲倦

虜衆氣銳難與爭鋒旣曰今軍無見糧當因敵爲資若虜見兵合退依深山追之則道險窮餓兵還則出候寇鈔如此兵不得解所謂一日縱敵患在數世也遂前軍顯美胡騎數

千因大風欲放火燒營將士皆恐旣夜藏精兵三千人爲伏使參軍成公英督千餘騎挑戰勅使陽退胡果爭奔之因發伏截其後首尾進擊大破之斬首獲生以萬數

案且次故城在今涼州古浪縣北漢置摺次縣屬武威郡後漢因之三國魏黃初二年張既討盧水胡潛由且次出武威巨次即摺次也晉志謂之揖次太甯三年有黃龍見於揖次之嘉泉地形志昌松郡領摺次縣隋志後周廢揖次入昌松昌松今古浪縣鶴陰城俗名正陰城涼州所屬見寰宇記及武威縣志

又案史昭烈帝姓劉氏名備漢中山靖王之後在位三年改元章武以章武三年夏四月崩於白帝城之永安宮丞相諸葛亮受遺詔輔政太子禪即位是為蜀漢後主案魏姓曹氏起於曹操子丕受漢禪是為文帝漢獻帝建安二十五年即帝位在位七年改元二曰延康曰黃初建興四年夏五月丕卒太子叡立是為魏明帝

魏涼州刺史張既請治左城築障塞置烽燧邸閣以備胡

西羌恐率衆二萬餘落降

案史蜀漢建興十一年冬諸葛亮使諸軍運米集於斜谷口邸閣魏延傳注夏侯懃鎮長安諸葛亮於南鄭計議延曰橫門邸閣與散民之殺足周食也是邸閣者乃軍屯蹊要儲胥資糧之所也如漢書董卓傳注獻帝紀曰帝出雜給二萬匹與所實廐馬百餘匹宣賜公卿以下及貧民不能自存者李催曰我邸閣諸侍少乃悉載置其營又王基擊吳別襲步協於夷陵協閉門自守基示以攻形而實分兵取雄父邸閣收米三十餘萬斛又毋丘儉文欽作亂王基與司馬景王會於許昌基謂宜速進據南頓南頓有大邸閣計足軍人四十日糧又孫策傳注江表傳曰策渡江攻劉繇牛渚營盡得其邸閣糧穀戰具又孫權傳赤烏四年夏遣衛將軍全琮略淮南渡芍陂燒官城邸閣收其人民又赤烏八年遣校尉陳勳將屯田兵及作士三萬人鑿句容中道自小其至雲陽通會市作邸閣又周魴傳誦曹休箋曰東主遣從弟孫奐治安陸城修立邸閣輦費運糧以為軍儲凡此皆見於漢

205

671.6

8432

25

v. 3

末也鄧芝爲邸閣督其官當如關尉之類又按晉書武帝紀咸甯三年六月水沒邸閣別倉水經注贛水歷釣圻邸閣下度支校尉治太尉陶侃移置此是倉廩名邸閣

案左南城晉惠帝永甯中置屬晉興郡當係前涼張氏所置在故河州北六十里之白塔寺川水經所謂河水逕左南城南是也前涼張瑁從左南緣河截趙麻秋軍禿髮禰檀詣

乞弗熾槃降至左南熾槃因傷檀爵左南公皆此地西甯府志云在碾伯縣南又引十三州志石城西一百四十里有左南城河水逕其南曰左南津蓋水經河水所經有石城

二一在澆河城之下屬西平郡其地在左南城之西不得云石城西有左南城一在金城郡西北西甯志誤認十三州志金城郡之石城爲西平郡之石城而不知水經注亦曾援

引十三州志其地爲今皋蘭縣西北之青石關關駟所謂石城在金城西北是也並不屬於西平今青石關有古城山在河南不在河北清一統志沿襲西甯府志其誤相同考水

經河水東與灘水合在今永靖縣東接云河水又逕左南城南是在灘水入河以後永靖縣東北只有白塔寺川廣平可置城過此入狹洮水注之河水過金允吾縣北而後東逕

石城南原文極明又張天錫擊李儼於隴西分遣前軍向金城左南白土諸郡由夷在皋蘭青石關西去卽白塔寺川方輿紀要引舊志云左南城在白土城東六十里考白土城

在故碾伯縣南河濱與河州積石關對河相望其東六十里亦至白塔寺川則白塔寺之爲左南城確而可據碾伯縣有古鄯邑距白塔寺尙隔大山且不瀆河地非親歷毫厘于

里地志之難考固如是也

後主成建興五年

魏明帝太和元年 吳大帝黃武六年

春正月魏西平麴英反殺臨羌令西都長遣

國家圖書館



003150478

將軍郝昭鹿磬討斬之

是年二月蜀丞相諸葛亮率軍出屯漢中以圖中原使長史張裔參軍蔣琬統留府事

戊申六年

魏太和二年 吳黃武七年

春丞相諸葛亮伐魏攻祁山降天水南安安定三郡

先是五年三月

四國自古之用
四守自亡者以
坐守之師以戰
亮之鞠躬盡瘁
死而後已成敗
利鈍何足論哉

亮出屯漢中以圖中原臨發上出師表遂行屯於沔北陽平石馬魏主叡聞亮在漢中命大將據諸要險以鎮靜疆場至是亮率大兵攻祁山魏以昭烈既崩數歲寂然無聞略無備豫卒聞亮出朝野震懼於是安定天水南安皆舉軍應亮關中響震會馬謖敗曹真復取安定郡民楊條等共保月支城亦降

案三分鼎峙各有邊防蜀則東屯白帝以備吳南屯夜郎以備蠻北屯漢中以備魏魏則東置合肥南守襄陽西固祁山祁山在蟠冢之西七十里許山上有城極為嚴固九州之名岨天下之奇峻亮自漢中出祁山隴西南安二郡降圍天水拔冀城虜姜維拔

隴西千餘家還漢中築城以處之世稱諸葛城後之論者猶謂用兵非其所長耶

又一統志安定今鎮原縣天水故秦州南安故鞏昌府注俱見前月支城在今鎮原西漢安定郡領縣二十一內有月支道蓋縣名也史記正義月支國本涼甘肅瓜沙等州之地

漢百官志凡主蠻夷日道王莽時改爲月順道今鎮原縣六十里有月支故道又有漢武亭故城考史漢通月支取道於此元魏崔延伯與万俟醜奴戰於此

甘肅地據上游屏蔽西京自明帝後羌爲巨害蹂躪幾徧所以不敢入據三輔爲心腹患者恐隴東南之襲其後也昔高祖初興使酈商別定隴名以爲入關之本世祖卽位用兵

天水安定以作伐蜀之階丞相亮欲恢復中原以雍州爲天下要衝國家藩衛初出祁山取如反掌不再戰而天水三郡歸附

瀏陽盧彤曰自古用關隴以下川蜀者多矣由川蜀北清關陝逆取之勢也且魏主夙號知兵未必不審於用關陝也乃武侯師出祁山魏朝野震恐天水南安安定叛應關中響震以逆圖順以弱轉強此其善用川蜀未有過於武侯者也使無馬謖之敗則關中不難恢復矣

蜀將馬謖戰於街亭敗績亮率軍回漢中詔貶亮右將軍行丞相事

自天水南安安定皆

舉軍降漢魏主叡如長安遣右將軍張郃率步騎五萬拒之亮使參軍馬謖督諸軍與郃戰於街亭謖違亮節度舉措頗擾舍水上山不下據城郃絕其汲道擊大破之亮乃拔西縣千餘衆還漢中

案秦安縣治之東北有街亭鎮卽今之隴城鎮也其地東毗清水北連靜甯東北接壤華亭西南距秦安九十里前代設隴城縣於此自建設秦安之後而隴城歸隸管轄自斷山鎮東通關山卽係陝甘大路行旅往來絡繹不絕清設巡檢一員帶弓兵二十名盤詰奸宄擒捕盜賊彈壓地方誠要地也說者謂卽古之街亭按以當日情勢漢丞相諸葛亮出師討賊已取天水南安安定三郡自應向關中進發隴城與清水關山毗連爲由隴入秦之大路用兵者之所必爭其爲馬謖所守之街亭庶幾近之西縣漢水所出西漢初置縣

屬天水郡括地志西縣故城在秦州上邽縣西南九十里昔秦襄公既侯居西垂即此東漢末縣廢或云西縣在今鞏昌府城西

慕壽祺曰其矣用人如此其難也以亮之一生謹慎而誤用馬謖致失街亭街亭失而天水南安安定三郡與之俱失矣今者國難方殷我所防守之地視街亭尤為重要乃敵未來而棄城逃竄全局因以動搖反馬謖之不如矣安得復有如亮其人者出而正以軍法也哉

夏四月魏以徐邈為涼州刺史

邈務農積穀立學明訓進善黜惡與羌胡從事不問小過若犯大罪先告部帥乃斬以徇由是服其威信州界

肅清

案東漢一代河西為用武之地鹽務廢弛久矣邈為涼州牧以土地少雨常苦乏殺因上言請修武威酒泉鹽池武威即今馬蓮泉等池酒泉即今高臺一帶鹽池

魏安定羌蹇驪反雍州刺史郭淮平之

魏居休屠胡於高平

涼州休屠胡梁元碧等三千餘家降魏魏左將軍郭淮居之於安定之高平

己酉七年 魏太和三年 春右將軍亮伐魏拔武都陰平復拜丞相

亮遣其將陳式攻武都陰平二郡魏雍州

刺史郭淮救之率眾欲擊式亮自出至建威淮退遂拔二郡以歸後主詔亮復為丞相

案漢書地理志武都郡元鼎六年置治武都縣後漢移郡治下辨以武都縣屬之寰宇記魏黃初中徙武都於美陽以故地爲武都西部都尉理後入蜀其故城在今成縣西華陽國志武都郡治下辨一曰武街水經注濁水東經武街城南故下辨縣建威城名在今成縣西北後漢末所置戍守處蜀後主景耀初姜維請於西安建威立諸圍卽此西安州在洮州境陰平在今文縣漢陰平也其地與江油爲鄰爲秦蜀出入之道三國漢以爲邊陲要隘亮攻取之因爲西蜀之防非隆慶府之陰平縣魏鄧艾後與姜維戰所出古陰平道

此卽

慕壽祺曰自古用兵之道戰守和互相爲用當是時漢賊不兩立王業不偏安固無和之可言則惟以戰爲守此亮之所以六出祁山也去歲軍散關圍陳倉滅王雙今年遣陳式克武都及陰平戰愈奮守愈堅蜀之安如泰山矣後世不戰不守日言和議要挾孔多和亦受瘥自然之理也古今人之不相及何如此其懸絕耶

庚戌年 魏太和四年 吳黃龍二年 秋九月丞相亮遣魏延西入羌中與魏雍州刺史郭淮戰於

陽谿大破之

辛亥九年 魏太和五年 吳黃龍三年 夏五月丞相亮敗魏司馬懿於鹵城殺其將張郃 先是建興八年魏遣

大將軍曹真寇漢中丞相亮聞之次於成固赤版以待之會天大雨真還長安是年春亮率軍伐魏圍祁山招鮮卑軻比能比能等至故北地石城皆應亮是時魏大司馬曹真有

疾魏主遣司馬懿西屯長安督張郃賈曜戴陵郭淮等懿使曜陵留精兵四千守上邽餘衆悉出西救祁山亮分兵攻祁山自逆懿於上邽魏將郭淮等邀亮亮破之因大芟其麥與懿遇於上邽之東懿斂軍依險兵不得交亮引還懿躡其後至於鹵城又登山掘營不肯戰賈詡魏平數請戰曰公畏蜀如虎奈天下笑何懿病之乃遣張郃攻南圍自按中道向亮亮使魏延等逆戰魏兵大敗懿還保營亮以糧盡退軍懿遣郃追之至木門與亮戰漢兵乘高發伏弩郃中飛矢卒

案鹵城胡三省注在西縣冀縣之間上邽即故秦州詳見第一卷第四頁始作兵注木門山隘在秦州西南九十里接西和縣界即魏將張郃死處或謂秦州西南牡丹原與草川等若相連即古木門道清甘肅學政陸廷獻詩春歸何處不淒迷行盡秦州西復西幾日牡丹原上路綠陰如雨鵝鳩啼

又秦水經注南岍北岍之中上下有二城相對左右墻隴低昂亘山被阜古語云南岍北岍萬有餘家諸葛亮表云祁山去沮縣五百里有民萬戶矚其丘墟信爲殷矣蜀志趙雲傳云亮駐漢中出軍揚聲由斜谷道令趙雲與鄧芝往拒曹真身攻祁山雲芝兵敗趙雲別傳云雲敗退有軍資餘絹亮欲分賜將士雲曰軍士無利何爲有賞賜其物請悉入赤岸府庫須十月爲冬賜與瑾二書即其事也亮與兄瑾言趙雲燒赤岸閣道書前趙子龍退軍燒壞赤岸以北閣道緣谷一百餘里其閣梁一頭入山腹其一頭立柱於水中今水大而急不得安柱此其窮極不可彊也又與兄瑾言大水赤崖橋閣悉壞頃大水暴出赤崖以南橋閣悉壞時趙子龍與鄧伯苗一戍赤崖屯田一戍赤崖口但得緣崖與伯苗

相聞而已

又案建興九年亮率諸軍圍祁山始以木牛運建興十二年春二月亮由斜谷出又以流馬運杜佑通典注按亮集督軍廖立杜叡胡忠等推意作木牛流馬其木牛法方腹曲脰一股四足頭入領中舌著於腹載多而行少特行者數十里羣行者三十里曲者爲牛頭雙者爲牛脚橫者爲牛領轉者爲牛足覆者爲牛背方者爲牛腹垂者爲牛舌曲者爲牛肋刻者爲牛齒立者爲牛角細者爲牛鞅攝者爲牛鞅轡牛御雙轡人行六尺牛行四步人不大勞牛不飲食其流馬法尺寸之數肋長三尺五寸廣三寸厚二寸二分左右同前軸孔分墨去頭四寸徑中二寸前脚孔分墨去頭四寸五分長一寸五分廣一寸前杠孔去前脚孔分墨二寸七分孔長二寸廣一寸後軸孔去前杠孔分墨一尺五寸大小同後杠孔去後脚孔分墨二寸二分後杠孔分墨四寸五分前杠長一尺八寸廣二寸厚一寸五分後杠與等板方囊二枚板厚八分長二尺七寸高一尺六寸五分廣一尺六寸每板受米二斛三斗從上杠孔去肋下七寸前後同上杠孔去下杠孔分墨一尺三寸孔長一寸五分廣七分八孔同前後四脚廣二寸厚一寸五分形制如象鞞長四寸徑面四寸三分孔徑中三脚杠長二尺一寸廣一寸五分厚一寸四分鞞居言反弓衣也

慕壽祺曰中國各種科學發明時代以戰國時爲最盛秦以後則未之聞也亮以木牛流馬運糧與墨子之削木爲而飛後先輝映其技能亦爲三代後之第一人矣特中國以此爲奇技淫巧西人則以此爲富強之基無論何種機器皆精益求精日新異而歲不同矣世有繼亮而起者乎雖爲之執鞭吾亦願學焉

癸丑十一年

魏青龍元年
吳嘉禾二年

秋九月魏安定保塞匈奴叛遣將軍胡遵等追破之

安定保塞

匈奴大人胡薄居姿等叛司馬懿遣胡遵等追討破降之

甲寅十二年魏青龍二年 吳嘉禾三年春蜀將馬岱攻魏武都魏遣將軍牛金擊走之

魏以大將軍司馬懿鎮上邦姜維屢次伐魏交戰地址多在秦州 故命懿鎮上邦以防蜀兵之來襲

案上邦縣名在故秦州境水經注渭水東歷上邦縣北顧祖禹曰上邦城在秦州西六十里縣曰上邦以山得名唐武德四年暫立邽州於清水蓋因此山為名而上邦取名之邽

山則在秦州西北

乙卯十三年魏青龍三年 吳嘉禾四年冬十月魏張掖涌石負圖張掖柳谷口水溢涌寶石負圖狀象靈龜立於川西有石馬七及鳳凰

麟白虎犧牛瓊瑛八卦列宿字彗之象又有文曰大討曹詔書班天下以為嘉瑞任令于綽以問鉅鹿張珣珣曰夫神以知來不追已往祥兆先見而後廢興從之今漢久亡魏已得之何所追興祥兆乎此石當今之變異而將來之符瑞也

案魏氏春秋曰狀象靈龜廣一丈六尺長一丈七尺一寸圍五尺八寸立於川西有石馬七其一仙人騎之其一羈絆其五有形而不善成有玉匣關蓋前上有玉字玉瑛二瑛一麒麟在東鳳凰在西白虎在南犧牛在北馬自中布列四面色皆蒼白其南有五字曰上三天王世語曰又有一雞象搜神記曰張掖之柳谷有開石焉始見於建安形成於黃

氏池廢縣漢置
屬張掖郡其古
城在故民樂縣
東南九十里

初文備於太和周圍七尋中高一切蒼質素章龍馬麟鹿鳳凰仙人之象粲然咸
著漢晉春秋曰氏池縣大柳谷有蒼石立水中長一丈六尺高八尺白石畫之爲

十三馬一牛一鳥八卦玉
珉之象其文曰大討曹

後晉武帝泰始三年夏四月張掖太守焦勝上元石圖勝上言氏池大柳谷元石以留郡
本圖校今石文文字多少不同謹具圖二按其文有五馬象其一有人平上轎執戟而乘
之其一有若馬形而不成其字有金有中有大司馬有玉有大吉有正有開壽其一成行
曰金當取之初魏帝惡其爲討也使鑿去爲計以蒼石室之宿昔而白石滿焉至是其文
愈明馬象皆煥徹如玉詔以
制幣告於太廟藏之天府

大柳谷在故東樂縣西南一百里臨松山下臨松山比大柳谷多一十里俗名平頂山一
名馬蹄山亦祁連山脈巖石間有神駿足跡寺觀林立內有漢僧番僧數十名山麓附近
爲唐烏忒東西各番族駐牧處又名青
松丹峽北涼沮渠蒙遜臨松廬水人

舊史氏曰有書隕石者矣有書立石者矣未有書涌石者涌石負圖而文曰
大討曹天之棄曹氏也決矣而詔頒天下以爲嘉瑞亦愚矣哉終綱目書隕
石十二石立二書涌石一而已

丙十四年 魏青龍四年 吳嘉禾五年 夏魏武都氏王苻健降蜀 蜀志張疑傳載建興十四年武都氏王苻健請降遣將軍張尉往迎

秋九月魏涼州塞外胡叛西域校尉張就討平之 涼州塞外胡阿畢師侵犯諸國校尉就討之斬首捕虜萬餘人

戊午 延熙元年 魏景初二年 吳赤烏元年 秋九月蜀陰平太守廖惇攻守善羌魏遣王贊游弈擊

惇為惇所敗 惇反攻守善羌侯宕蕩營雍州刺史郭淮遣廣魏太守王贊南安太守游弈將兵討惇淮上書贊奔等分兵夾山東西圍賊破在旦夕魏主曰兵勢

惡離促詔淮勅奔諸營非要處者還令據便地 詔勅未到奔軍為惇所破贊為流失所中死

己未 二年 魏景初二年 吳赤烏二年 蜀將姜維伐魏至隴上無功而還 維軍至隴右揚聲欲攻狄道以司馬懿行征西將軍次長

安雍州刺史陳泰欲先賊據狄道懿曰姜維攻羌收其實任聚穀作邸閣訖而復轉行至此正欲了塞外諸羌為後年之資耳若實向狄道安肯宣露令外人知今揚聲言出此欲

歸也維果燒營而去

案金樓子云孔明戰於鳳山今天水西北三十里有邽山俗稱鳳凰山秦州人謂孔明困姜維於此維與梁緒尹賞梁度詣亮降亮美維膽智稱為涼州上士辟為曹掾加奉義將

軍封當陽亭侯時年二十七使典軍實後遷中監軍今甘谷有姜家村說者謂即維之苗裔

魏郭淮討羌遮塞於白土城大破之

叛羌遮塞屯河關白土故城據河拒官軍淮見形上流密於下渡兵據白土故城擊大破之明

年蜀將姜維伐魏出隴西淮進軍至彊中維引退淮遂討羌迷當等按撫柔氏三千餘部落拔西羌以實關中

案白土城在今西甯縣南近黃河後在左南津之西白土城北又有白土嶺水涇注河水又東逕臨津城北白土城十三州志云左南津西六十里有白土城城在大河北而爲緣

河濟渡處餘見後漢獻帝建安十九年注

又攷洮水源出西傾東山亦曰鹽臺山墊江水亦出此山南水經注彊水出陰平西北疆山一曰疆川姜維伐魏出隴西郭淮進軍至疆中當在洮水流域又臨洮有疆城見後漢

章帝建初三年注

案魏明帝名叡文帝曹丕子在位十三年改元三曰太初曰青龍曰景初帝崩養子芳嗣位是爲齊王

庚三年 魏齊王正始元年 夏六月鮮卑寇西方魏敦煌太守王延追斬之 鮮卑阿妙兒等寇西

方王延遣兵擊之斬首三千餘級五年又斬鮮卑大帥

癸亥六年 魏正始四年 冬十月遣前監軍王平督漢中謀率兵入隴 先是大司馬蔣琬出屯漢中以諸葛

亮數出秦川道險連難卒無成功乃多作舟船欲乘漢沔東下襲魏上庸會疾作未行朝廷咸以為事有不捷還路甚難帝遣費禕姜維喻指琬言今魏跨帶九州根蒂滋蔓若東西並力首尾犄角雖未能速如志且當分裂蠶食摧其支黨然吳期二三連不克果輒與禕等議以涼州胡塞之要進退有資且羌胡乃心思漢如渴宜以維為刺史若維征行御制河右臣當帥軍為繼至是以平督漢中街亭之敗平獨振旅而還後主故重用之

案建興八年攻魏合肥不克十年擊魏廬江不克十一年攻魏新城不克十二年攻魏擊郤之延熙四年攻魏又不克而還琬言吳期二三連不克果謂吳之攻魏屢矣然弗果

也克敵

丙寅年九魏正始七年西平羌餓何等叛魏西平諸羌餓何燒戈伐同蛾遮塞等叛魏攻圍城邑涼州名胡治無戴復叛應之魏

遣前將軍郭淮討餓何燒戈羌降服者萬餘落淮進軍西海與羌治無戴戰于龍夷北破走之還擊令居石頭山夷破之是時涼州胡王白虎文與治無戴等率眾來降姜維以兵

迎之遂徙於蜀

案龍夷故城今之西甯青海境寰宇記龍夷城漢西海郡治石國西北三百里故契翁虜所治水經注龍夷城在臨羌新縣西三百一十里王莽納西零之獻以為西海郡治此誠

臨羌新縣即今之西甯縣又涼州姑藏縣西有龍夷城一名晏然城漢戊己校尉所治地與西河郡之龍夷城名同而地不同餘見孺子嬰居攝元年注

己十二年

魏嘉平元年 吳赤烏十二年

魏護軍夏侯霸來奔

霸為曹爽所厚以父淵死於蜀常切齒有報仇之志為征蜀護軍統屬征西征

西將軍夏侯玄霸之從子夷外弟也至是司馬懿召玄詣京師而以郭淮代之霸素與淮不協恐禍及遂來奔姜維問之曰懿既得志當復有征伐之志否霸曰彼方營立家門未

遑外事有鍾士季者其人雖少若管朝政吳蜀之憂也士季者鍾繇之子尚書郎會也

秋蜀大將軍姜維伐魏攻雍州不克

先是丞相亮初出祁山攻天水郡魏參軍姜維以上邽降維字伯約冀人也亮許為涼州上士

亮卒與費禕共錄尚書事後進大將軍至是伐魏攻魏雍州依麴山築二城使句安李韶守之聚羌胡質任侵逼諸郡魏郭淮使刺史陳泰進兵圍之斷其運道及城外流水將士

窘困分糧聚雪以引日月維引軍救之出自牛頭山與泰相對泰勅諸軍各堅壘勿與戰遣使白淮使趣牛頭截其還路淮從之進軍洮水維懼遁走安等降魏

案麴城在今岷縣東南一百里魏志陳泰傳蜀姜維率眾倚麴山築二城使牙門將句安等守之郭淮與泰謀禦之

西十六年

魏嘉平五年 吳建興二年

蜀姜維伐魏圍狄道

維負其才武欲誘諸羌胡以為羽翼謂自隴以西可斷而有每欲大舉費禕嘗裁制

不從與兵不過萬人曰亟相猶不能定中夏况吾等乎不如保國治民謹守社稷如其功業以俟能者無為微倖決成敗於一舉若不如志悔之無及及禕死維遂將數萬人伐魏

圍狄道

案齊王名芳魏明帝養子在位十四年改元二曰

正始曰嘉平後為司馬昭所廢立高貴鄉公髦

甲十七年魏主曹髦正元元年夏姜維伐魏拔河關狄道洮陽

維出隴西與魏將徐質戰敗之拔河關狄

道臨洮遷其民還

居於綿竹繁縣

案陳壽三國志無地理清洪亮志補三國疆域志甘肅郡縣多因漢制宣帝神爵二年置

河關縣屬金城郡其故城在河州西晉初省惠帝復置屬狄道州十六國春秋後涼呂光

時西秦克河關即此餘見前建安十九年冬十月平河關叛羌注洮陽當指岷州是時

無所謂洮州也只有臨洮縣並洮州區域在內餘見第一卷秦始皇八年遷民臨洮注

又案河關縣在河州以西或謂在今貴德縣境或謂即今之循化縣地雖不同總之不出

乎西甯所屬者近是今之西甯前漢時屬金城郡在蘭州以西六百二十里至魏黃初中

始置西平郡姜維進兵隴西豈能越金城而取西平所屬之地惟循化貴德連界貴德又

通道於四川之松潘意其時維遣別將由松潘進取河關兵法所謂攻其不備者其即此

類也

乎

慕壽祺曰姜維九伐中原其出師也必攻祁山如武侯故事何氣之壯而膽之大也予游

成縣欲訪鐵堂峽維讀書處戎車倉皇未獲也及過伏羌謁姜侯祠讀壁間留題諸作或

譏其有遠志而無當歸此腐儒之見也維所以不顧家者為漢室討賊往來

於洮陽狄道間古人不嘗云國而忘家乎何獨於維而責備之嚴如此哉

康樂

姜維敗王經於洮水司馬昭至欲求刺客入蜀刺維則維之北伐亦足以挽魏勢而張蜀威矣

此民國十七年之事

洮西屬今隴西縣民國二十三年甘肅省政府劃出擬設縣治名之曰康樂刻在設期間九域志熙州領康樂寨宋置金升為縣先是唐天寶間別置長樂縣屬隴州或曰即金康樂縣元廢合復舊

乙亥延熙十八年魏正元二年 吳五鳳二年秋八月姜維伐魏敗其兵於洮西遂圍狄道不克而

還維復議出軍征西大將軍張翼廷爭以為國小民勞不宜黷武不聽維遂將數萬人至枹罕魏雍州刺史王經與戰於洮西大敗死者萬計還保狄道城翼謂維曰可以止矣

進或毀此大功為蛇畫足維大怒遂圍狄道魏詔鄧艾行安西將軍與征西將軍陳泰並力拒維泰進軍隴西

案洮西洮水之西故狄道新添鋪等處與河州大東鄉隔一衣帶水雞犬之聲相聞維將兵至枹罕即今河州地與王經戰於洮西則是由河州渡洮河至狄道西鄉遂獲大勝今

田鋪等處居民殺傷幾盡何古今懸殊耶

慕壽祺紀洮西災况詩云洮水來西傾珠跳波亂翻中有狄道縣避秦無桃源今朝來新至牛君名載坤戰場經行處骸骨棄荒原分袂纔幾日相見先寒暄請將目所睹為我一

一言撫膺君長歎未言淚垂痕傍徨起四顧耳恐屬于垣我乃恍然悟呼童閉前軒君始重入坐俯飲酒一尊往事叙從頭聞者心意煩最慘辛田鋪賊騎如蜂屯災黎盡逃散院

落成荒村途中何所食歲饑草無根灰堆爭手檢蔥皮帶泥吞夜依古廟宿鐘聲報黃昏老弱凍欲死安得大被溫飢凍猶餘事更罹覆盆冤昔聞姜伯約於此樹功勳快哉洮西

戰洮軍驚且奔臨陣覆沒者誰復卹其門隨水沉溺者誰復招其魂亂離今更甚愁絕不勝論大地龍无首羣離風處揮干戈等兒戲塗炭徧黎元中原貧如洗邊鄙誰更援天心

似張楊園有時夢蝴蝶不知亡與存感君願茅廬篩酒用瓦盆

慕壽祺曰五丈原頭將星夜落蜀幾不克振矣卒申炎漢之威繼丞相之志者維一人而已觀高貴鄉公癸丑詔曰往者洮西之戰將吏士民或臨陣戰亡或沉溺洮水骸骨不收棄於原野吾常痛之其告征西將軍各令部人於戰處及水次鈎求屍喪收斂藏埋知魏兵之敗於洮西維之功居多乃因洮上之利輕軍深入糧餉不繼軍覆上邽惜乎

魏征西將軍陳泰救王經於狄道姜維退還涼州經與維戰於故關不利遂坐困圍城中矣泰度高城嶺夜至狄道東

南涼州軍亦從金城南至沃干版維退還涼州狄道圍解魏大將軍司馬昭曰陳征西沈勇能斷救將陷之城而不求益兵大將不當爾耶

案涼州禹貢雍州西界周襄為狄地秦逐匈奴得甘泉匈奴使休屠渾邪王等居涼州之地後降漢漢置河西五郡張掖酒泉敦煌武威金城改雍州為涼州以地處西方常寒涼

也漢武帝元朔二年改雍州曰涼州遷於葷涼州刺史駐此冀今甘谷縣前清之伏羌縣維由狄道退還涼州是退還伏羌回漢中大陸

又案故關原在狄道北三十里其東有太平原平地百頃可以屯軍高城嶺在渭源縣西即今關山嶺一名分水嶺水分東西東皆入渭西皆入洮水經注南谷山有高城嶺號渭

源城渭水出焉南谷山在渭源縣西十五里紅土莊唐盧照鄰有蚤度關山分水嶺詩沃干版一名沃干嶺在皋蘭縣南五十里皋蘭縣舊志作沃干陂誤今由皋蘭赴狄道必經

阿干鎮其西南二十里之摩雲嶺正當孔道與阿干鎮諸山相連不斷韻會小補阿一音屋屋與沃同母音近沃干應即阿干沃干嶺應即摩雲嶺惟古今名稱不同里數小異耳

丙子十九年魏甘露元年秋七月姜維伐魏與其將鄧艾戰敗績維自狄道還駐鍾提魏人以其力竭未能

清水縣東三十里
有段谷河出
段谷山豈段谷
亦有二耶

更出安西將軍鄧艾曰彼有乘勝之勢我有虛弱之實一也彼上下相習我將易兵新二也彼以船行我以陸軍三也狄道隴西南安祁山各當有守彼專為一我分為四四也彼

從南安因食羌穀若趣祁山熟麥千頃五也賊有計其來必矣秋維復出祁山聞艾有備乃回趣南安艾與戰於段谷大破之死者甚衆蜀人由是怨維

案左傳莊十一年大崩曰敗績注師徒撓敗若沮岸崩山喪其功績故曰敗績

又案段谷水在今隴南清水縣東南南山下一統志蜀姜維為鄧艾所敗星散流離即此非也段谷在今天水東南原出馬門溪東北流合藉水李吉甫曰段谷水源出上邽縣東

南山下即維與鄧艾交兵處狄道南安隴西祁山注俱見前

姜維帥兵圍魏南安

先是蜀伐魏姜維自武都出石營圍狄道至是又出石營經董亭圍南安

案石營在西和縣西北寰宇記長道縣南十八里上有石城高百丈中有石井深一丈四時湛然飲之不竭即石營也長道縣即今禮縣西禮壤相錯

又案董亭在故秦州東南五十里劉宋元嘉十二年仇池楊難當使兄子保安鎮董亭即此九域志成紀縣有董亭鎮成紀即今天水

丁丑延熙二十年

魏甘露二年吳太平二年

秋蜀大將軍姜維伐魏謀由秦州出駱谷不果

是年夏四

月魏揚州都督諸葛誕起兵討司馬昭六月昭奉其主髦攻之維聞魏分關中兵赴淮南欲乘虛向秦州率數萬人出賂谷時長城積穀多而守兵少魏都督司馬望及鄧艾進據

之以拒維維數挑戰不應是時維數
出兵蜀人愁苦譙周作仇國論諷之

案秦築長城起於臨洮之西臨洮故岷州也括地志秦長城首起岷州西十二里元和志
起溢樂縣西二十里後魏太平真君六年置臨洮郡西魏置溢樂縣並置岷州姜維由蜀
出兵岷縣是其經過處欲乘虛取天水魏鄧艾拒
之甚力餘見第一卷秦徙陳留民人於臨洮註

案高貴鄉公名髦魏文帝孫在位六年改元二曰正元曰甘露後為司馬昭所殺復立元
帝名奐魏武皇帝曹操之孫在位六年改元二曰景元曰咸熙司馬昭子炎受魏禪是為

晉武帝

壬景耀五年 魏主奐景元三年 冬十月姜維伐魏攻洮陽

維將出軍車騎將軍廖化曰兵不戢必自焚伯約之

謂也智不出敵而力少於寇用之無厭何以自存維遂伐魏攻洮陽鄧艾與戰於侯和破
之時黃皓用事維啓帝請殺之帝曰皓趨走小臣耳往董允每切齒吾嘗恨之君何足介
意維見皓枝附葉連遜辭而出帝敕皓詣維陳謝維
由是疑懼返自洮陽因求種麥沓中不敢歸成都

案明史地理志洮州有侯和城在今狄道州洮州西南有古沓中戍沓中在洮州西南羌
中俗謂之沙灘或謂在河關縣西南羌地即吐谷渾王辟奚所封之滋川不應如此其遠
洮陽洮水之陽也晉惠帝置縣即舊洮堡後周及唐均置洮州其故城在今臨潭縣西南
注者謂洮陽屬零陵郡故城在湘源縣西北又謂在桂林府金州北可謂癡人說夢餘見

維自以谷敗後
鄧艾堅守師出
無功黃皓居中
陰謀擠維維遂
疑懼返自洮陽
不歸成都蓋自
沓中屯田而蜀
事不可為矣
沓中在今西固
縣境蓋在岷縣
之南

陳武帝永定三年夏四月
周人敗吐谷渾置洮州注

又案狄道州志州南二十七里地名嵐關坪上有侯和城遺址今名南關坪又新道坪在其西前人毛文標侯和城詩侯和古戰場遺鏃聚其下此地棘陽兒曾覆夏侯霸蜀魏俱灰飛蟲沙俱不化

冬十一月姜維屯兵沓中表遣車騎將軍張翼廖化分護陰平橋頭宦官黃皓

寢其事

魏司馬昭患維數北伐欲大舉伐漢朝臣多以爲不可獨鍾會勸之昭諭衆曰自定壽春以來息役六年治兵繕甲以擬二虜今吳地廣大而下溼攻之用力

差難不如先定巴蜀三年之後因順流之勢水陸並進此滅虜取虜之勢也今絆姜維於沓中使不得東顧直指略谷出其空虛之地以襲漢中以劉禪之闇而邊城外破士女內震其亡可知也乃以會爲鎮西將軍督關中鄧艾以蜀未有聲屢陳異議昭使人諭之艾乃奉命姜維表遣左右車騎張翼廖化督諸軍分護陽安關口及陰平之橋頭以防未然黃皓信巫鬼謂敵終不自致啓帝寢其事羣臣莫知

案文縣志縣東一百二十里有郭公城魏郭淮攻蜀將廖化於陰平時築水經注白水自合羌水又東經郭公城南又縣東河南五里賈昌鄉蜀漢後主令姜維築此城與鄧艾相持艾於縣東河北七里高原上亦築城時魏景元四年也

又御批通鑑注今階州文縣城南有陰平橋跨泉上即水經注所云白水東逕橋頭是也
白水者白水江也在今天縣城南源出洮州西傾山水色白濁東南流與黑水合民居水
上者為白水氏方輿紀要白水江即禹貢之桓水源出西傾經西和成縣略陽甯美之界
又經階州南而入文縣又南流經城入四川龍安府界又東流至昭化縣北而合於嘉陵
江蓋與西漢水並
為嘉陵江之上源

癸未 炎興元年

魏景元四年吳永安六年是歲蜀漢亡

秋魏遣鄧艾鍾會將兵入寇關口守將傅僉死

之陰平失姜維還守劍閣

魏遣鄧艾督三萬餘人自狄道趣甘松沓中以綴姜維雍州刺史諸葛緒督三萬餘人自祁山趣武街橋頭絕維歸

蜀之亡非亡於姜維之勞師北伐亡於維之撤圍不守也非亡於維周之誘言亂棄亡於黃皓之用事居中也武侯以戰而守蜀非武侯未易言戰矣

路鍾會統十萬餘衆分從斜谷略谷子午谷趣漢中以衛瓘持節監軍事行鎮西軍司八月軍發洛陽陳師警衆將軍郭敦謂蜀未可討司馬昭斬以徇漢人遣廖化為姜維繼援張翼董厥詣陽安關口為諸圍外助大赦改元敕諸圍不得戰退保漢樂二城會平行至漢中使兵圍二城徑趣陽安口遣人祭諸葛亮墓使護軍胡烈為前鋒攻關口守將傅僉拒守其下蔣舒率衆迎降烈乘虛襲城僉格鬪而死會遂長驅而前大得藏庫積穀維聞會已入漢中引兵還艾遣兵追躡於彊川口大戰維敗走還至陰平合衆欲赴關城聞其已死遇化翼厥等合兵守劍閣以拒會蜀遣使告急於吳吳使大將軍丁奉向壽春丁封孫異向沔中救漢不及

案甘松即今四川之松潘在甘肅洮州之南舊為合州郡境唐置松州以其地產甘松又有甘松嶺故名焉武街漢為武都郡西魏立武階郡後更名階州街一本作階

甘肅

甘

劍閣在四川保甯府劍州北三十里兩崖峻拔鑿石架閣而爲棧道連山絕險故謂之劍閣秦司馬錯由此道伐蜀晉惠帝元康八年略陽巴氏李特至劍閣太息曰劉禪有如此地面縛於人豈非庸才邪

慕壽祺曰立言之家多翻前案敷布文字起浪生波至其人已死成敗顯然吹毛索癥遂使英雄氣短京房以忠憤死以爲不度深淺危言譏刺晁錯以忠謀死以爲知小謀大禍發如機覆義倡義討賊以爲不量力以隕其宗於王章則曰不量輕重以陷刑獄於王嘉何武則曰區區以一簣障江河姜維還守劍閣隴地無可守也後降鍾會意將有所圖也論者謂維身都將相喪師墜境退屯漢壽苟免偷生漢之滅維爲之書生之好議論不樂成人之美如此哉

魏將鄧艾度陰平取江油蜀亡

姜維自陰平失後退守劍閣魏將鍾會圍之時則成都猶如故也艾恐會獨成大功迺督軍自陰平道入蜀至

路險處以氈自裹推轉而下將士攀木沿崖魚貫而進遂取江油

戊後主聞警遣諸葛瞻迎敵大敗瞻父子俱死成都因以不守

案江油剛氏道地蜀漢置江油戍與陰平接壤常璩漢中志自景谷有步道徑江油左擔行出涪鄧艾從之伐蜀任豫益州記左擔道至險自北來者擔在左肩不得度右肩也鄧艾東馬懸車之處文縣志縣東二十里有鄧至橋以鄧艾從此入蜀故名又西固縣有鄧鄧橋謂鄧艾與其子忠率兵從此經過也

慕壽祺曰書豈可盡信哉蜀漢時江油爲防魏要路故設兵以戍之今爲商旅往來大道其中有摩天嶺焉嶺之最高處不過三十餘丈路之難行處亦不過數十里耳演義所言

江油

八百里無人之地毋乃鋪張太過夫既曰無人兵士所裹之旣又從何處購辦假令當日者鄧艾為用兵神速從間道以趣青川其成功也特小人之行險以僥倖耳孔明不聽魏延子午谷之計有以哉

案漢姓劉氏高祖己亥即帝位都長安是為西漢又稱前漢自高祖起至淮陽王甲申王莽十四年在內二百六十六年光武興復漢室都洛陽是為東漢又稱後漢自光武乙酉至獻帝庚子一百九十六年共四百二十二年自漢以後分為三國蜀帝昭烈漢中山靖王後聞曹丕篡漢乃稱帝於蜀是為蜀漢昭烈崩於白帝城託孤丞相諸葛亮太子禪立是為後主在位四十一年改元四曰建興曰延熙曰景耀曰炎興炎興元年冬鄧艾至成都後主出降自昭烈辛丑即位至後主甲申降魏又四十四年共四百六十六年漢從此亡天下為晉所有矣

晉

(庚)晉武帝泰始六年 夏六月晉秦州刺史胡烈討鮮卑秃髮樹機能敗死 先
(寅)吳孫皓建衡二年

鄧艾納鮮卑降者數萬置雍涼之間與民雜居朝廷恐其久而為患乃分雍涼梁州

置秦州以烈素著名西方故使鎮撫之至是樹機能叛烈討之戰於萬斛堆敗死

案明史地理志甯夏中衛西有沙山一名萬斛堆大河在南方輿紀要與明史同地理詞典云在靖遠西靖遠與中衛連界所云萬斛堆當指中衛今呼為沙陂頭行人至此視為

畏途離中衛
縣城四十里

晉史樹機能鮮卑種也其先壽闡之在孕母相掖氏因寢而產於被中鮮卑俗謂被爲禿髮後因而氏焉樹機能名也壽闡之孫又鮮卑俗稱婢曰禿髮其先乃婢因以爲氏晉史傅玄上武帝疏胡夷獸心不與華同鮮卑本強鄧艾欲取一時之利不顧後患使數萬人散居人間此必害之勢也秦州刺史胡烈素有恩信於西方今令烈往諸胡雖已無惡若後有動釁烈能制之惟恐胡虜適困於討擊使能東入安定西赴武威此二郡非烈所制則惡胡東西有窟穴浮游之地故復爲患也宜更置一郡於高平川因安定西州都尉募樂徒民重其復除以充之此二郡及新置郡並屬秦州令烈得專御邊之宜

河西鮮卑樹機能作亂涼州刺史牽宏討之軍敗死

樹機能與北方地叛胡寇金城涼州刺史牽宏討之衆胡與樹

機能共圍宏於青山宏軍敗復爲所殺初陳蹇言於晉主曰胡烈牽宏皆勇而無謀強於自用非綏邊之材也將爲國恥武帝不以爲然至是皆敗死

(辛)晉泰始七年 樹機能與北地胡圍晉金城殺涼州刺史蘇愉於金山

咸甯初樹機能又殺

涼州刺史楊欣於丹嶺盡有涼州地

案金山在山丹縣西南百一十里卽洪水之南山十六國春秋沮渠蒙遜永安十年以從伯羅仇子成都爲金山太守後魏省隋志張掖縣有大柳谷與山丹接界卽金山也丹嶺

疑卽山丹嶺山丹有焉支山在山丹縣東南一百二十里一名刪丹山俗稱大黃山

(甲)晉泰始十年秋八月涼州虜寇金城諸郡晉鎮西將軍汝陰王駿討之斬其

文泥等事見晉書武帝紀

(己)晉咸甯五年春正月秃髮樹機能入晉涼州晉遣將軍馬隆擊之初樹機能久爲邊患

觀馬隆之擊河西鮮卑兵豈在乎多哉

僕射李熹請發兵討之朝廷皆以爲出兵重事虜不足憂至是陷涼州晉主臨朝而歎曰誰能爲我討此虜者司馬督馬隆進曰陛下能任臣臣能平之晉主曰必能平賊何爲不任顧方哈何如耳隆曰臣願募勇士三千人無問所從來帥之以西虜不足平也晉主許之以爲討虜將軍武威太守隆募能引弓四鈞挽弩九石者取之立標簡試自旦至日中得三千五百人隆曰足矣又請自至武庫選仗御史劾之晉主命惟隆所取仍給三年軍資而遣之

案河西鮮卑其先與元魏同出八世祖匹孤自塞北遷於河西匹孤卒子壽闡立是爲秃髮氏壽闡卒孫樹機能立是爲南涼秃髮烏孤之五世祖晉武帝泰始六年樹機能作亂至咸甯初盡有涼州地至是討虜將軍馬隆來討部民沒骨殺樹機能降其從弟務丸立死孫推斤立死子思復鞬立部衆稍盛東晉孝武帝太元十九年思復鞬死子秃髮烏孤

嗣是爲南涼之祖

樹機能爲其下
所殺獻首於馬
隆綱目謂隆斬
之殆因仍舊史
耳

媼園廢縣在皋
蘭縣東北漢置
屬武威郡水經
注渭河水經媼
園縣界東北流
至勇士其地疑
卽故紅水縣與
今靖遠毗連漢
晉時走涼州之
大路也

慕壽祺曰自胡烈戰沒虜勢寔強若以烏合之衆當之殆必不可隆自募勇士三千人將之而西樹機能之首可指日而梟而隆又請自至武庫選仗非御史所深知也蓋器械不利以卒予敵晁錯曰兵不堅利與空手同甲不堅密與相褐同故徒手而遇盜雖貴有無如之何操箠而遇敵雖童子不知所避如此者其惟隆乎工欲善其事必先利其器選利器以平虜虜不足平矣

十二月晉馬隆破樹機能斬之涼州平

馬隆西度溫水樹機能等以號數萬據險拒之隆以山路險隘乃作扁箱車爲木屋施於

車上轉戰而前行千餘里殺傷甚衆自隆之西音問斷絕朝廷憂之或謂已沒及隆使至晉主撫掌歎笑召羣臣謂曰若從諸卿言無涼州矣隆至武威鮮卑大人帥萬餘落來降隆與樹機能大戰斬之涼州遂平

案溫水卽媼園水漢驃騎將軍傳言去病率萬騎出隴西踰烏緄討遼濮涉

狐奴歷五王國轉戰六日過焉支山千有餘里合短兵鏖戰皋蘭山下蓋驃

騎之軍由鞏昌狄道北進烏緄山名卽媼園轉音水經注又東北過媼園縣

東漢媼園廢縣在今皋蘭縣東北攷晉禿髮屠檀拒赫連欲從媼園水北渡

又晉馬隆討涼州鮮卑渡溫水其後拓跋氏伐沮渠李順謂自溫圍水至姑臧溫水溫圍均卽媪圍轉音蓋古時由隴西至涼州其孔道皆由此渡黃河又唐書載憲宗八年初吐蕃欲作烏蘭橋先儲材河側朔方軍潛投之於河終不成烏蘭亦烏縊轉音今靖遠縣西南有烏蘭故城遼濮部名當在烏蘭山北驃騎軍由此道西行再過莊浪河當卽所謂狐奴河五王皆休屠王屬部時休屠王駐涼州地五王所部當在平番迤北一帶又案晉史隆旣破樹機能依倚金呂山築城以防後患後人名爲金呂城其城在今涼州永昌縣西北三十里餘詳方輿勝覽及永昌縣志

慕壽祺曰戎狄之戰術亦精矣武都羌衆叛聞太守虞詡來則遮於陳倉嶓谷氏羌齊萬年反聞將軍周處來則屯於乾州梁山樹機能作亂聞將軍馬隆來則拒於皋蘭靖遠兩縣境此豈茫無知識者之所爲乎後之用兵者其亦小心從事也可

案史晉之天下始於魏太傅司馬懿懿有二子長曰師次曰昭昭之子曰炎受魏禪是爲晉武帝化三分爲一統在位二十五年改元四曰太始曰咸甯曰太康曰太熙帝以太熙元年夏四月崩太子衷立是爲惠帝

惠帝

丙辰

元康六年北地盧水胡反

匈奴郝度元與馮翊北地馬蘭羌盧水胡俱反殺北地太守征西大將軍趙王倫信用嬖人孫秀與雍州

刺史解系爭軍事朝廷徵倫還以梁王彤代之系表謝請誅秀以謝氏羌張華以告彤使誅之秀友人爲之說彤得免

案馮翊郡名今陝西同州府郿國志引決錄注馮依也翊明也北地郡名今慶陽府注見漢高祖三年正月晉書注馬蘭羌卽馮翊羌盧水胡卽北地胡解音蟹唐叔虞食邑於解縣後因氏焉解其姓系其名也解系山東濟南人時爲雍州刺史

慕壽祺曰郝散之弟度元與馬蘭羌盧水胡俱反攻北地太守張墳死之是年八月秦雍氏羌齊萬年反矣十二月略陽氏楊茂搜據仇池矣羽書日聞邊境騷動此其故何哉天下雖安忘戰必危晉武甫平吳會寰海鏡清而太康二年詔罷州郡兵大郡置武吏百人小郡置五十人何足以備不虞乎及永甯之後盜賊羣起州郡不能制皆武帝忘武有以致之也因之八王構兵十六國稱雄隴東一隅河西五郡爲戰爭場者幾二百年此時氏羌之亂猶其小焉者耳

秋八月秦雍氏羌齊萬年反圍涇陽冬十一月遣將軍周處等討之

初御史中丞周處彈

劾不避權威梁王彤嘗違法處按劾之先是雍州刺史解意為匈奴度元所破於是秦雍氏羌悉反其帥齊高年僭帝號圍涇陽詔以處為建威將軍隸安西將軍夏侯駿以討之萬年聞處來曰周府君有文武才若專斷而來不可當也或受制於人此成禽耳明年春正月萬年屯梁山有衆七萬梁王彤夏侯駿使處以五千兵擊之處攻萬年於六陌軍士未食彤又促令速進遂力戰而死後張華薦孟觀討之觀身當矢大戰十數皆破之九年春正月觀擊萬年獲之

案涇陽今平涼縣地陝西涇陽縣晉以後始置注見周宣王元年伐獫狁及漢靈帝建甯元年梁山在陝西乾州城西北五里周古公亶父避狄人之難踰梁山至岐山下即此今人呼曰梁坡頭六陌地名在邠州東十五里

慕壽祺曰自古未有兵力單弱而大將能成功於外者李陵與匈奴十萬人戰以衆寡不敵終降於虜楊業與契丹戰於陳家谷口以援救無人乃隕厥身周處與齊萬年戰自旦至暮斬獲甚衆卒以弦絕矢盡死夫處有文武才若不受制於人以射虎斬蛟之勇殲彼氏羌若決江河而激燭火臨不測而擠欲墜其克必矣

冬十一月略陽氏楊茂搜據仇池

初略陽清水氏楊駒始居仇池駒孫千萬附魏封為白頭王千萬孫飛龍靈強盛徙居略陽以其甥

令狐茂搜為子茂搜避齊萬年之亂帥部落還保仇池自號輔國將軍右賢王關中人士避亂者多依之茂搜迎接撫納欲去者衛護資送之是後楊氏遂世據仇池

案仇池山在成都縣西北晉永嘉後沒於楊氏太元中楊定表置仇池郡後魏太平真君七年置仇州鎮皆以山而名其地水經注仇池絕壁峭峙孤險其高二十餘里羊腸盤道三

此為仇池楊氏
割據之云

余於作者案頭
觀子酸所著
研齋詩文集
視清迥異庸俗
惜無力付之手
民耳

十六回上有平田百頃杜甫詩萬古仇池穴潛通小有天初學記仇池山號百頃山上有百頃池壁立百仞一人守道萬夫莫回餘見東晉成帝咸和九年春正月注略陽注見後

懷帝永嘉四年

慕壽祺仇池山詩云四壁山鈎連望中氣萬千山有路一線上通翠雲巖是山即仇池滿目草芊芊其初曰圍山高處無人煙開者乃仇夷今名賴以傳狀與龜相似首尾形俱全四周廿餘里其中別有天樓櫓二十四氣象何森然九千四百步地址足回旋鳥道卅六盤梯接凌空懸東西廠二門怪石當其前清泉九十九灌漑百頃田穴深壓不到鹽糞土能煎白馬所居地神魚潛在淵雜詩杜工部賦石宋坡仙其他諸題詠紛紛不記年昔聞楊氏興難敵為最賢晉室轍已東乘間森戈鋌劉曜不能屈假以都督權兵力抗前趙誰復攻其堅名號雖不正功亦足多焉割據三百載滋蔓一何延天演紛爭競國步今連遭關塞失憑藉煙雲莽變遷隴上林麓最舊習猶相沿蕞爾仇池頭亭結白雲邊荒祠讀斷碣臨風涕漣漣秦安巨先生國桂評云詳審處可補杜集所未備

丁巳年秋七月雍秦旱疫

米斛萬錢道殣相望

慕壽祺曰陝以西至隴東地處高原無水灌溉諺云靠天喫飯其信然乎每歲八月種麥是為春苗二月種穀是為秋田春三月不雨則麥收無望矣秋七月不雨則旱象已成矣斯時天氣乾燥疫病流行前代又無防疫之術蚩蚩者氓束手待斃而已

已九年太子洗馬江統請徙戎於隴右

自漢魏以來羌胡鮮卑多處之內地與漢民雜居種族日繁居處飲食皆日趨於華而其

桀暴貪悍樂鬪喜亂之志則有特殊之性質晉氏繼之罔知所革武帝咸甯五年以匈奴

劉淵為左部帥王濟李熹之徒復交薦其才可平樹機能太康二年冬鮮卑慕容涉歸寇

昌黎侍御史郭欽請以平吳之威謀臣猛將之略徙內部雜胡於邊地武帝不聽太康十

年冬又以劉淵為匈奴北部都尉惠帝元康六年夏馮翊北地羌胡俱反是年秋秦雍氏

羌齊萬年反至是統以戎狄亂宜早絕其原乃作徙戎論以警朝廷其略曰四夷之中戎

狄為甚弱則畏服彊則侵叛今宜及兵威方盛因其死亡流散與關中之人戶為仇讎之

際徙諸羌著先零罕开析支之地出還隴西著陰平武都之界廩其

道路之糧令足自致各附本種反其舊土使屬國撫夷就安集之

案先零罕开西羌種名均在西甯境注見漢宣年神爵二年析支蔡氏集傳曰在河關西

千餘里西方戎落也王肅曰河關縣屬金城郡餘見周貞定王二十五年羌叩去湟中至

賜支河曲注武都郡名見後漢和帝

元初元年冬陰平亦漢之郡名也

慕壽祺曰魏初民少曹操徙羌胡鮮卑之來降者處之西北諸郡內及京兆魏郡弘農亦

往往有之至惠帝時虛實盡知矣羽翼已豐矣使惠帝聽統之言徙羌於罕开析支之地

徙氏於陰平武都之界明先王荒服之服峻四夷出入之防此萬世長策也獨不思戎狄

疆曠歷古為患我能徙之邊地彼不能侵入內地乎况內地不容戎居彼罕开析支陰平

武都皆晉之疆土也可以鄰國為壑乎天下事不求其本而謀一時苟安之計者此類也夫

此爲前涼張氏之祖

辛酉永甯元年

是年趙王倫改元建始四月帝反正改元永甯

春正月以張軌

漢中山王張耳之後

爲涼州刺史

軌字士彥安定

烏氏人家世以儒學顯軌少明敏好學有器望與同郡皇甫謐遊後爲散騎常侍征西軍司見中原兵亂屠膾蒼生世族大家顧猥尤甚聞涼州遠在河西士馬精彊陰圖據之乃請求出仕河西至是出爲護羌校尉涼州刺史時盜賊縱橫鮮卑寇邊軌悉討破之威著西土帝遣加安西將軍封安樂鄉侯於是立學校興禮教使號令典章粲然罔不具盛矣哉

案史記涇北有烏氏之戎其地在今平涼縣西北漢高祖元年以將軍酈商爲隴西都尉別將定北地上郡破雍將軍烏氏周類軍朐邑及天下已定置安定郡領二十一縣烏氏居其一後漢郡國志作烏支晉時安定郡範圍縮小而烏氏仍如故元魏因之後徙廢唐時尙有烏氏驛胡三省曰故城在彈箏峽口陝西通志謂在固原州地蓋瓦亭峽屬今固原州

慕壽祺曰專固有曠世而相類者昔新莽之亂竇融以姑臧富饒遠在河西可以避亂晏然爲武威太守時天水有隗囂西蜀有公孫述融以一身撐拄其間始終臣服於漢嗚呼可謂難得也已後數百年張軌復來此土事功心迹與融相同民生其間惟德是聞福蔭綿延享國歷七十有六年中原人士視涼州爲樂土多襁負歸之以視融入朝後惕惕焉懼不克終者不又超過前人乎

案惠帝武帝子在位十七年改元八曰永熙曰永平曰永康曰永甯曰大安曰永興曰光熙永甯之後胡羯滔天亂華之禍已成矣光熙五年十一月帝中毒崩太弟熾即位是為懷帝

懷帝 戊辰 永嘉二年 漢劉淵永鳳元年 涼州刺史張軌討曹祛斬之 張軌病風口不能言使其子茂攝州

事隴西內史晉昌張越涼州大族欲逐軌而代之與其兄酒泉太守鎮及西平太守曹祛謀移檄廢軌軌下教欲避位參軍孟暢折鎮檄入言曰晉室多故明公撫定西夏張鎮兄

弟敢肆凶逆當鳴鼓誅之遂出戒嚴軌長子實自京師還乃以實為中都護將兵討鎮鎮歸罪實遂擊走曹祛軌於是命實帥步騎三萬討祛斬之張越奔鄴涼州乃定

庚午 四年 北漢劉聰光興元年 氏酋蒲洪 甘肅秦安縣人 自稱略陽公 洪略陽臨渭氏酋也 驍勇多權略羣氏畏

服之漢劉聰拜洪平遠將軍 不受自稱秦州刺史略陽公 案略陽即今秦安縣隴城鎮郡國志略陽道屬漢陽郡有街泉亭太平寰宇記略陽道在

天水郡東六十里即古冀城也魏文帝黃初中改為隴城以縣隸之或謂略陽漢之郡名 治沮縣西魏別置興州改略陽縣為順政縣隸焉非

臨渭氏酋所居之地餘見東漢建武八年正月注

辛未 五年 北漢嘉平元年 秋七月漢劉曜斬南陽王模模世子保保於上邦 漢兵攻南陽王

模模以倉庫虛竭士卒離散遂降於漢劉粲殺之模都尉陳安帥衆歸世子保於上邽保遂據有秦州尋稱大司馬承制署隴右氏羌皆從之

涼州張軌移秦雍流人於武興郡

武興郡在姑藏西北七十里領武興晏然七縣張軌置

案武興郡本在陝西略陽縣前涼於武威西北亦置武興郡晉義熙時南涼禿髮傉檀僞遊洸河襲徙西平湟河諸羌三萬餘戶於武興等郡後涼呂光改置嘉麟縣見元和志慕壽祺曰自五胡亂華人民之離流失所者不知幾何人矣所至之區長民者恐其人衆滋事復從而驅逐之宇宙雖寬幾無容身地張軌蒿目時艱驚心世變爲秦雍流民置武興等七縣以安集之嗚呼仁矣

冬十月安定太守賈疋等起兵討劉曜於長安大破之興復晉室

匈奴劉淵爲晉冠軍將軍永興

初叛晉自稱漢王永嘉二年稱帝淵死弟聰立是年夏六月陷洛陽廢帝殺太子詮士民死者三萬餘人遷帝於平陽司空苟晞奉豫章王端入蒙城荀藩奉秦王業趨許昌七月聰使族子劉曜圍長安南陽王模出降曜斬之世子保走上邽據秦州石勒陷蒙城執豫章王於是安定太守賈疋與馮翊太守索琳護軍鞠允等謀興復晉室乃共帥兵向長安曜與疋等戰於黃邛大敗疋兵勢振迎秦王業入雍城進圍長安曜敗走秦王入長安聰弑帝業卽位是爲愍帝疋爲盜所戕建興間曜寇北地進逼長安時長安饑其帝出降安定歸於曜

賈正武威人翊之孫索琳敦煌人靖之子蒙城地名在陝西故鳳翔府上邽今天水注見前安定郡名即今鎮原縣黃邱是地名在陝西

劉淵字元海匈奴左賢王豹之子初漢高祖以宗室女嫁單于冒頓故其子孫冒姓劉氏淵幼而儒異師事上黨崔游博習經史晉永興初都左國城國號漢淵死其弟聰弒太子

和代立聰死其子粲為靳準所弒劉曜淵族子也石勒弒準曜自立徙都長安改國號曰趙後為石勒所滅前趙遂亡

壬申六年北漢嘉平二年涼州牧張軌遣兵詣長安涼州主簿馬魴說軌宜命將出師冀戴帝室軌從之馳檄關中共尊輔秦

王且言今遣前鋒宋配帥步騎二萬徑趨長安西中郎將實帥中軍三萬武威太守張瑁帥胡騎二萬絡繹繼發

秋九月張苞拒涼州兵涼州牧張軌破之苞敗走秦州刺史張苞據險以拒涼州兵張軌宋配等擊破之苞奔柔凶陽

冬十二月羌酋姚弋仲舜之後隴西人自稱扶風公弋仲南安赤亭羌人也其先有虞氏之苗裔

案續漢書云羌本三苗姜姓之別裔今河關之西南羌是又有氏者風俗通曰氏本西南夷種羌本西方牧羊人地理志武都有白馬氏魚豨魏略云漢置武都排其種人分竄山谷或號青氐或號白氐說文成周時氏羌獻鸞鳥漢書隴西郡有氐道縣武都郡有羌道縣餘見第一卷成湯時氏羌來王注

案史懷帝武帝子在位六年改元一曰永嘉後為前趙劉淵所執武帝孫業立是為愍帝

此為後秦姚氏之祖

後為前趙劉淵所執武帝孫業立是為愍帝

愍帝甲建興二年

北漢嘉平四年成玉衡四年前涼張寶建興元年

春正月涼州張咸逐楊難敵以州降

成難敵退守仇池

先是仇池楊茂搜之子難敵遣養子販易於梁州刺史張光殺之及光與王如餘黨楊虎相攻求救於茂搜茂搜遣子難敵救光虎

西蜀雖有太平景象使去其所短可不謂之賢乎哉

厚賄難敵與夾擊光大破之光卒難敵攻陷梁州至是梁州人張咸逐難敵以州降成於是漢嘉涪陵漢中之地皆為成有主雄虛己好賢隨才授任命太傅驥等養民於內李鳳等招懷於外刑政寬簡獄無滯囚與學校置史官其賦民男丁歲穀三斛女丁半之疾病又半之戶納絹不過數丈綿數兩事少役希民多富實新附者給復除是時天下大亂而蜀獨無事年穀屢熟乃至閭門不閉路不拾遺然朝無儀品爵位濫溢吏無祿秩取給於民軍無部伍號令不肅此其所短也

案成李雄巴氏李特子初為略陽人後為流民就食巴蜀激而為亂特於惠帝元年冬據廣漢進攻成都特死雄代統其眾入成都自稱王國號成雄死子班立為李期所弑期自立為李壽所弑壽雄之弟也弑期自立改國號曰漢壽死其子勢立為晉桓溫所滅

慕壽祺曰晉書紀十六國無代無西燕無仇池固史之闕文也拓跋猗盧傳至七世為北魏之祖庸不足以為國乎西燕國雖不永要與南燕後燕等耳胡獨置而不論即以蕞爾仇池而歷世二十歷年二百又烏能略况茂搜自晉元康六年稱王愛民勤政國勢日強梁州刺史張光殺難敵養子事急求救茂搜遣難敵救之此其豁達大度有非常人所能企及者矣

二月以張軌爲太尉涼州牧

建興元年愍帝即位於長安遣使者拜軌鎮西大將軍開府儀同三司加侍中封西平郡公固讓不受二年進拜太

尉涼州牧以軌年老多疾拜子晏行撫軍副涼州刺史

乙亥三年 北漢建元元年成玉衡

南陽王保命陳安將千餘人討叛羌

是時保在上邽據秦州之地羌

人有叛者命上邽人陳安將兵討之後聞長安陷愍帝崩自稱晉王年號建康置百官遣使拜涼州牧張實爲征西大將軍

南陽王保遣將陳安據綿諸

秦州東四十五里之邽山下有古城遺址卽陳安所據之綿諸城也秦有綿諸戎漢置綿諸道屬天水郡

冬十月漢寇北地進拔馮翊

劉曜寇北地進拔馮翊翊允軍於靈武以兵弱不敢進帝屢徵兵于相國保保乃以胡崧行前鋒都督須諸軍集乃

發

丙子四年 北漢麟嘉元年成玉衡

涼州牧張實遣兵入援

先是建興二年夏五月涼州牧張軌卒長史張醜等表張實躡

父位詔實爲都督西平諡軌曰武穆至是實聞長安危急遣將軍王該帥步騎五千人入援且送河西諸郡貢計詔拜實都督陝西諸軍事

案唐書回紇傳廣平王副元帥郭子儀領回紇兵馬與賊戰於陝西皆謂今陝州之西後人遂以潼關以西通謂之陝西西晉以關中爲陝西當愍帝時長安猶未失陷故命張實

東晉以荊州爲
陝西因長安爲
胡所據神州赤
縣悉爲辨髮之
鄉矣

曜生而眉白目
有赤光及長好
讀書善屬文又
能射穿一寸鐵
劉聰重之以爲
懷世祖魏武帝
之流

都督陝西諸軍事以其遣兵入援也未幾帝降於漢長安不守典午中衰降爲東晉至東
晉而後則以荊州爲陝西南齊書曰江左大鎮莫過荆揚周召二伯總諸侯周公主陝東
召公主陝西故稱荊州爲陝西也考之於史桓冲爲荊州刺史安帝詔曰故太尉冲昔藩
陝西忠誠王室毛穆之傳庾翼專威陝西劉毅爲荊州刺史安帝詔曰劉毅推轂陝西南
史宋文帝紀命王華知州府留鎮陝西宋書蔡興宗爲輔國將軍南郡太守行荊州事袁
顛曰舅今出居陝西鄧瑜傳晉安王子勛檄曰前將軍荊州刺史臨海王子瑱練甲陝西
獻徒萬
敷是也

又案資治通鑑紫陽綱目均書涼州牧張軌卒世子實立而十六國春秋建興二年五月
軌寢疾立子晏爲世子晏字安逸學尙明察敬賢愛士年四十八卒後張祚僭號追尊曰
成王廟號太宗與正史
名字不同姑兩存之

秋七月漢劉曜陷北地進至涇陽

曜圍北地麴允救之曜使反間給允曰郡城已陷往
無及也衆懼而潰曜追敗允遂取北地允性仁厚無

威斷喜以爵位悅人諸郡太守皆領征鎮村隲主帥小者猶假銀青將軍之號然恩不及
下故諸將驕恣士卒離怨曜進至涇陽渭北諸城悉潰曜獲將軍魯充梁緯飲之酒吾得
子天下不足定也充曰身爲晉將國家喪敗不敢求生若蒙公恩速死爲幸曜曰義士也
與之劍令自殺緯奉辛氏美色曜將妻之辛氏大哭曰辛夫已死義不獨生且一婦人而
事二夫明公又安用之曜曰貞
女也亦聽自殺皆以禮葬之

慕壽祺曰國家之所以奔走天下士者爵賞其心非爵其身也待賢之心稍一不誠有辭爵賞而去者矣况乎有功不賞糜爾無爵如項氏印刑不予徒以失豪傑之心而不足以增重名器漢時貂尾妄續適以啓盜竊之志而奚足以激厲功名又或職任久淹罔念積薪之苦年華垂多永無捧檄之期欲治臻上理難矣鞠允之敗亦復如是渭北諸城其能守乎

冬十一月漢劉曜逼長安安定太守焦嵩新平太守竺恢救之皆無功

嵩恢引兵救長

安皆畏漢兵彊不敢進相國保遣胡崧入援擊曜於靈臺破之崧恐國威復振則鞠索勢盛乃還槐里曜攻陷長安外城鞠允索繇退守小城內外斷絕城中饑甚亡逃不可制唯涼州義衆千人守死不移太倉有麴數十餅允屑之爲粥以進帝泣謂允曰今窮厄如此外無救援當忍恥出降以活士民因歎曰誤我事者鞠索二公也使侍中宗敞送降牋於曜曜送帝於平陽漢王聰封帝爲懷安侯

鞠允軍於靈武
軍官遭逢亂世
利用土匪以廣
大其聲勢欲撫
結乎衆心遂致
假人名器貽害
閭閻古今有同
慨焉

案晉書忠義傳愍帝時劉曜攻北地以鞠允爲大都督驃騎將軍次青白城以救之曜聞而轉寇上郡允軍於靈武以兵弱不敢進復攻北地太守鞠昌遣使求救允率步騎赴之去城數十里羣賊繞城放火煙塵蔽天縱反間詐允曰郡城已陷焚燒向盡無及矣允信之衆懼而潰後數日鞠昌突圍赴長安北地遂陷允性仁厚無威斷吳皮王隱之徒無賴凶人皆加爵爵新平太守竺恢始平太守楊像扶風太守竺爽安定太守焦嵩皆征鎮杖節加侍中常侍村塢主帥小者猶加銀青將軍之號欲以撫結衆心然註將驕恣恩不及

下人情頗雖羌胡因此跋扈關中淆亂
劉曜復攻長安百姓饑甚死者大半

案靈臺古地名即古之密須國漢為北地郡鶉觚縣地晉為鶉觚陰密二縣地屬安定郡
隋析置靈臺縣取文王伐密作靈臺之義後省入鶉觚唐復置宋金仍舊元初省入涇州

後復置清因之
後屬平涼府

又案愍帝名業武帝孫在位四年改元一曰建興後
降劉淵西晉遂亡晉王睿立於建康是為東晉元年

東晉

元帝丁建武元年

北漢麟嘉二年成玉衡
七年前涼建興四年

春正月張寶遣司馬韓璞將兵伐漢

黃門

郎史淑自長安奔涼州稱愍帝出降前一日使淑齎詔賜張寶拜涼州牧承制行事寶大
臨三日辭官不受遣司馬韓璞等帥步騎一萬東擊漢璞等卒不能進而還至南安諸羌
斷路相持百餘日糧竭矢盡殺車中牛以饗士乃鼓譟進戰會張閎帥金城兵繼至大破
之斬首數千先是長安謠曰秦州中血沒腕惟有涼州倚柱觀及漢中覆關中氏羌掠隴

右雍秦之民死者
什九獨涼州安全

案建威將軍張肅軌弟寶叔父也聞京師危逼請為先鋒擊劉曜寶以肅年老不許肅曰
受晉寵秩剖符列位今國運方艱朝廷有難不奮何以為臣寶以軍旅非耆老所堪終不

用既而肅聞京師

陷遂悲憤而卒

氏酋楊茂搜卒

茂搜卒長子難敵少子堅頭分領部曲難敵號左賢王屯下辨堅頭號右賢王屯河池

冬十一月河南王吐谷渾卒

吐谷渾木遼東鮮卑慕容廆之庶兄也初吐谷渾馬與廆馬鬪而廆馬傷廆遺讓之吐谷渾怒率其部落去自為君

長及孫葉延頗視書傳以古有王父字為氏遂以吐谷渾為氏渾遂四附陰山而居屬永嘉之亂因度隴據洮水之西極于白蘭地方數千里渾卒長子吐延嗣吐延子葉延保于

白蘭以為禮公孫之子得以王父字為氏乃號其國曰吐谷渾姓慕容氏隨水草畜牧雖有城郭而不居之恆處穹廬其地東西二千里南北千餘里官有王公僕射尙書及郎中

將軍

之號

案白蘭國西羌別種後周時興焉東北接吐谷渾西北至吐利模從東界郡鄂風俗物產與宕昌同武帝保定元年朝獻使至太平實字記白蘭西南二千五百里隔大嶺又渡三

十里海即此女國武威張澍按在葱嶺之南其國代以女為主王姓蘇毗字末羯女王之夫號曰金聚不知政事國以丈夫惟以征伐為務

又案太平御覽大白蘭千二百里有可蘭國風俗卑陋從開闢來口不知肉味目不識五色耳不聞六律五聲是西夸中不臧者土無所出直大養羣畜而已戶落萬餘其人頑弱

見異人舉國便走又云白蘭國人年五十以上齒皆落殆因地寒多瘴氣也

慕壽祺曰晉之亡劉淵爲亂華之首并雍之胡乘時四起中原半爲夷居劉淵匈奴也而居晉陽石勒羯也而居上黨姚氏羌也而居扶風苻氏氏也而居臨渭慕容鮮卑也而居昌黎從此二趙三秦五涼相繼稱雄而皆歸併於魏孰知割據諸國之外復有吐谷渾者亦鮮卑種也初稱慕容氏劉勃勃滅後崛起於青海之間大爲中國邊患

戊寅

大興元年

前趙劉曜光初元年成玉衡八年前涼建興五年

春正月焦嵩陳安逼上邦

都尉陳安叛相國保舉兵逼上邦保遣使

告急於張實實遣步騎二萬赴之先是永興元年十二月漢主劉聰弑愍帝於平陽尙書郎辛賓死之涼州軍至新陽聞愍帝崩保謀稱尊號實遣牙門蔡忠奉表詣建康從破羌都尉張說之言比至建康晉王於三月以兩都燔蕩宗廟無主已卽皇帝位然實竟不用江東年號猶稱建興

案甘肅舊通志晉辛賓狄道人勳弟愍帝時爲尙書郎及帝蒙塵於平陽劉聰使帝行酒洗爵賓起抱帝大哭聰曰前殺庾珉輩不足爲戒耶引出遂加害焉案書法實自嗣立一書得璽獻之一書遣兵入援一書遣韓璞將兵代漢於是書遣使上表皆予其忠也實可謂世篤忠貞矣後爲盜所殺惜哉

慕壽祺曰西祚已盡東晉首新故元經於大興元年書春正月卽位春秋所謂正始也且爲中興首焉惟是晉之南渡猶周之東遷也東遷之後諸侯不復宗周獨齊桓晉又拳拳以宗王室爲事故春秋予之自典午衰舊京淪沒山陵穿毀名臣宿將莫能雪恥獨涼州張氏父子而能不忘晉室前書張軌遣督護入衛矣遣兵詣長安矣又書張實遣兵入援矣又特書遣韓璞將兵伐漢矣至是遣使上表張氏父子可謂忠於晉矣是時虜寇滔天胡馬縱橫四方征鎮未聞有倡義勤王之舉實遠在河西乃欲復長安之故都彼近在咫尺

尺而擁兵自固者聞
之得無愧於心乎

乙卯二年 前趙光初二年後趙石勒太初元年成玉衡九年前涼建興六年

南陽王保自稱晉王於祁山

保既稱王改元建康置百官時

上邦大饑士衆困迫復爲陳安所逼張春奉保之南安祁山張實遣兵救之安乃退保歸上邦初陳安自稱秦州刺史降於漢又降於成後聞保被諸將張春楊次所殺奉表劉曜

以討賊執楊次斬之張春奔枹罕安尋叛曜

案司馬遵業墓誌云晉隴西王泰卽九葉祖本傳八世祖模晉司空南陽王模世子保晉亂出奔涼州因家焉魏平姑臧徙居於雲中其自序云爾案南陽王模卽隴西王泰之子誌稱泰爲遵業九葉祖史稱模爲遵業八世祖世次均符惟元和姓纂云司馬子如稱晉南陽王模七代孫則誤矣考晉書載模子保薨時年二十七喜睡痿疾不能御婦人無子張春立宗室司馬瞻奉保後劉曜殺之是保未嘗有子遵業自序毋乃出於附會與誌叙遵業一生歷官事實並與史合其云爾朱梁郡王蓄茲五變將尋九合又云梁郡猜逼已崩斃於一劍當指爾朱榮而言

庚辰三年 前趙光初三年後趙太初二年成玉衡十年前涼張茂永元元年

春劉曜拔陰密

先是屠各路松多起兵於新平扶風以附晉王保保使其將楊

曼王連據陳倉張顛周庸據陰密松多據草壁秦隴氏羌多應之曜遣諸將攻之不克至是曜攻陳倉王連戰死楊曼奔南氏曜進拔草壁路松多奔隴城又拔陰密晉王保懼遷

於桑城

案晉地志安定郡領縣七曰臨涇曰朝那曰烏氏曰都盧曰鶉觚曰陰密曰西川陰密古密須國地輿摘要今靈臺縣餘見愍帝建興四年冬十一月注

夏趙主劉曜以游子遠為大將軍出屯安定

趙將解虎尹車謀反與句徐庫彭等相結事覺虎車伏誅趙主曜囚徐彭等五

十餘人將殺之先祿大夫游子遠諫曰彼非有大志欲圖非望也直畏威刑欲逃死耳莫若大赦與之更始其沒入者皆縱遣之使相招引聽其復業彼得生路何為不降若其中自知罪重屯結不散者願假臣弱兵五千必為陛下臬之曜大悅即日大赦以子遠為車騎大將軍出屯安定反者皆降惟句氏宗黨保於陰密進攻滅之徙氏羌二十餘萬於長安

漢安定郡治在今鎮原縣元魏安定郡領縣五而安定縣居首一統志安定漢之郡名治高平縣東漢及晉徙治臨涇元魏改為涇州即今鎮原縣屬平涼府陝西通志涇州漢安定縣屬安定郡故城在今涇州北五里

壬午永昌元年前趙光初五年後趙太初四年成玉衝十二年前涼永元二年

春二月秦州刺史陳安自稱大都督

雍涼秦梁四州牧

安求朝於曜辭以疾安以為曜已卒大掠而歸安還上邽遣將襲汧城拔之隴上氏羌皆附於安有衆十餘萬自稱大都督假黃鉞

大將軍雍涼
秦梁四州牧

趙擊楊難敵降其衆以難敵

是爲仇池楊氏第三世

爲六州牧武都王

趙主劉曜自將擊楊難敵連戰皆捷難敵退保

仇池諸氏羌及故晉王保將楊豁隴西太守梁勛皆降曜遷隴西萬餘戶於長安進攻仇池會軍大疫遣中郎將王曠說難敵喻以禍福難敵遣使稱藩曜以難敵爲武都王假黃鉞督都益甯南秦梁涼巴六州隴上西域諸軍事上大將軍益甯南秦六州牧

冬閏十一月涼州刺史張茂取趙隴西南安置秦州

先是太興三年京兆人劉弘殺涼州刺史張寶左司馬陰元等

以寶子駿尙幼推寶弟茂代領其衆至是使將軍韓璞取趙隴西南安地

案元帝名睿字景文宣皇帝司馬懿曾孫瑯琊恭王觀二子中興晉室偏安江左在位十七年改元三曰建武曰大興曰永昌帝以永昌元年十一月崩子紹元立是爲東晉明帝

明帝癸未太甯元年

前趙光初六年後趙太初五年成玉衡十三年前涼永元四年

劉曜滅陳安

是年夏安圍趙征西將軍劉貢於南安貢與曜

秦州刺史石武合擊破安安走保隴城遣將宋亭守上邽秋七月曜自將圍隴城安出戰輒敗突圍奔峽中曜遣將平先追及之安持丈八蛇矛帶雙鞬服左右馳射先亦勇捷如飛搏戰三交而奪其矛日暮棄馬匿澗曲爲先將呼延清所害安善撫接士卒吉凶與衆共之及其死隴上人思之爲作壯士之歌氏羌皆送任請降以赤亭羌酋姚弋仲爲平西

將軍封平襄公

案一統志云隴城漢之縣名屬隴西郡晉改屬天水郡劉宋廢之故城在鞏昌府秦州西北九十里赤亭地名姚弋仲所居處注見第一卷禹封帝舜少子於西戎平襄卽今通渭縣送任送子以爲質也

陳安死隴人多惋惜之乃作壯士之歌曰隴上壯士有陳安軀幹雖小腹中寬愛養將士同心肝七尺大刀奮濶如丈八蛇矛左右盤十盪十決無當前戰始三交失蛇矛棄我驥驄竄巖幽爲我外援而懸頭西流之水東流河一去不回奈子何

王通曰陳安者何初爲劉曜將也遣安擊張春滅之安於是叛曜至是曜討安於隴城殺之書曰劉曜滅陳安兩名猶春秋諸侯相滅非王命而滅之者皆爲不道也故兩俱貶也且言晉不王時無伯致使亂臣賊子互相屠滅有足傷焉

趙擊涼州張茂降趙封茂爲涼王

趙主曜自隴上西擊涼州戎卒二十八萬涼州大震參軍馬岌勸張茂親出拒戰長史汜禕請斬之

岌曰汜公糟粕書生不思大計明公父子欲爲朝廷誅曜有年矣今曜自至遠近觀公此舉當立信勇之驗以副秦隴之望力雖不敵勢不可以不出茂曰善乃出屯石頭問計於參軍陳珍珍曰曜兵雖多皆氏羌烏合之衆恩信未洽且有山東之虞安能曠日持久與我爭河西邪若二旬不退珍請得弊卒數千爲明公擒之趙諸將爭欲濟河曜曰吾軍疲

困其實難用今但按甲勿動以威聲震之若出中甸茂表不至者吾爲負卿矣茂尋遣使稱藩曜拜茂太師封涼王加九錫

案秦州郡名即天水郡隴西亦郡名即今鞏昌府等處永昌元年涼州取趙隴西南安置秦州石頭山名在涼州府城西南八十五里河西者涼州在黃河以西也九錫何休曰禮

緯含文嘉曰禮有九錫一輿馬二衣服三樂則四朱戶五納陛六虎賁七弓矢八鈇鉞九鉅鬯

楊難敵降成復叛殺成將李瑒李稚

難敵聞陳安死大懼請降於成將軍李稚受其賂遣還武都難敵遂據險不服稚自悔失計亟

請討之成主雄遣稚兄瑒擊之長驅至下辨難敵遣兵斷其歸路四面攻之瑒稚深入無繼皆爲所殺

甲太甯二年

前趙光初七年後趙太初六年成玉衡十四年前涼張駿太元元年

春三月楊難敵襲仇池克之

初難敵出奔漢

中趙將軍劉厚追擊之大獲而還趙主曜以田崧鎮仇池至是難敵以輕兵襲取之

案明帝名紹元元帝子在位三年改元一曰太甯史言帝聰明有機斷尤精物理雖享國日淺而規模宏遠以太甯三年秋八月崩子衍立是爲成帝

成帝 咸和元年

前趙光初九年後趙太初八年成玉衡十六年前涼太元三年

張駿徙隴西南安民於姑臧

初太甯三

年夏五月趙涼王張茂疾執駿手泣曰吾家世以孝友恭順著稱晉室雖微汝奉承之不可失也且下令曰吾官非王命勿以朝服斂及卒趙以駿爲涼州牧稱涼王是歲張駿畏

趙人之逼徙隴西南安
民二千餘家於姑臧

丁亥二年 前趙光初十年後趙太初九年前涼張駿太元四年

夏五月趙武衛將軍劉郎帥三萬騎襲楊難敵

於仇池弗克掠三千餘戶而歸

戊子三年 前趙光初十一年後趙太和元年成玉衡十八年前涼太元五年

夏五月張駿復稱晉大將軍涼州牧遣

兵攻掠趙秦州諸郡

初駿聞趙兵爲後趙所敗欲尊晉室至是復稱晉大將軍涼州牧乃遣武威太守竇濟金城太守張閭武興太守辛嚴揚烈將軍宋輯等

帥衆數萬東會韓璞攻掠趙秦州諸郡趙南安王將兵擊之屯狄道枹罕護軍辛晏告急秋駿使韓璞辛嚴救之璞進度沃干嶺與趙兵夾洮而軍冬十月璞遣辛嚴督連於金城

趙南安王帥三千騎襲嚴于沃干嶺敗之遂逼璞營璞衆大潰趙兵乘勝追擊濟河拔令居斬首二萬級進據振武張閭辛嚴帥其衆降趙駿遂盡失河南之地

案一統志沃干嶺在皋蘭縣南五十里有沃干阪又攷三國志魏陳泰傳涼州兵自金城南至沃干阪晉書張軌傳辛嚴督連爲劉曜子穎襲敗於沃干嶺則此嶺實爲金城赴狄

道之路

又攷令居卽今平番縣漢書張騫傳漢旣得天馬始築令居以西初置酒泉郡以通西北國又食貨志羌人數萬人度河築令居漢書又云漢度河自朔方以西至今居往往通渠

置田又遣故從驃侯趙破奴萬餘騎出令居至匈奴河水而還餘見漢武帝元狩三年金城注見漢宣帝神爵元年枹罕注見東漢獻帝建安十九年冬十月振武郡

趙發氏羌屯秦州以備敵

趙主曜遣河間王述發氏羌之衆屯秦州以備張駿楊難敵

己丑四年

前趙光初十二年後趙太和二年成玉衡十九年前涼太元六年

春正月前趙太子熙奔上邽

先是後趙石虎攻趙蒲阪趙主

曜擊破之遂攻石生於金墉襄國大熲三年冬十二月勒自將擊破趙兵擒曜歸而殺之至是熙與南陽王胤奔上邽關中大亂蔣英擁衆數十萬據長安遣使降於後趙石生率

衆赴之

秋八月後趙石虎攻拔上邽殺趙太子熙遂取秦隴

趙南陽王胤帥衆數萬自上邽趣長安隴東戎夏皆應之石生

嬰城自守虎救之大破趙兵乘勝追擊枕屍千里上邽潰虎執趙太子熙及胤以下三千餘人皆殺之徙其臺省文武關東流民秦雍大族於襄國秦隴悉平蒲洪姚弋仲俱降於

虎虎表洪監六夷軍事弋仲爲六夷左都督徙氏羌十五萬落於司冀州

案司州名卽秦之三川周之王城下都也漢置河南東漢及三國魏置司州苻秦改爲豫州劉宋仍置司州前明改爲河南府屬河南道冀亦州名秦置縣屬鉅鹿郡漢景帝時改

爲信都國東漢置冀州於此隋爲信都郡唐仍曰冀州元屬真定路明初改爲真定府

慕壽祺曰劉氏自永嘉四年僭立至曜三世曜死而其子允太子熙及宗室等三千餘人後趙石勒皆殺之凡二十七年而前趙滅周滅紂封微子於宋以續殷之宗祀今勒以強滅人之國而盡殺劉氏其酷甚矣

庚寅五年

後趙石勒建平元年前涼太元七年是後後趙尙稱曰趙

夏張駿復收河南地

駿聞石勒殺劉曜長安亂遣將復收河南

地至於狄道置五屯護軍與趙分境是年秋八月後趙石虎及張賓等一百二十九人謂物望去劉氏請以劉備在蜀魏王在鄴故事疏請石勒以大單于鎮撫百蠻勒乃即皇帝

位遣使拜駿征西大將軍涼州牧加五錫之禮

案十六國春秋石勒字季龍上黨武鄉羯人既僭皇帝位改元建平後二年大饗於建德酒酣謂徐光曰朕方何等主光擬以軒轅之亞勒笑曰卿言亦已太過朕若逢高皇當北

面而事之然猶與韓彭競健而爭先耳倘逢光武並驅於中原未知鹿死誰手大丈夫行事當礪礪落落如日月皎然終不能如曹孟德司馬仲達欺人孤兒寡婦狐媚以取天下

也朕在二劉之間

石虎石勒從子年十八弓馬迅捷勇冠當時勒深喜焉拜征虜將軍性酷虐無道軍中勇幹策略與已侔者輒因事害之至於降城陷壘坑斬士女鮮有遺類勒屢加責誨而行意

自若然御衆嚴而不煩莫敢犯者指授攻討所向無前故勒寵信彌隆仗以專征之任既廢殺宏稱居攝趙天王

慕壽祺曰石勒拜駿為涼州牧駿恥為之臣不受羣僚勸稱涼王置百官駿曰此非人臣所言敢言此者罪不赦四世忠晉為不虛矣其稱藩劉石者為審於疆弱也及晉穆帝永和二年冬十二月駿自稱涼王分境內為二十二郡三營為涼州沙州河州始置祭酒等官何前後之自相矛盾也豈非言之易而行之難與

休屠王羌叛趙河東王擊破之羌奔涼州

涼州牧張駿恥為石氏臣及趙破休屠王懼始稱臣入貢

辛卯六年 趙建平二年成玉衡二年 秋七月蜀將李壽攻陰平武都楊難敵降之

壽蜀主族子也

偽漢王梁州刺史征伐屢勝開地千里至是侵陰平武都仇池楊難敵降於成

案陰平即今文縣注見蜀漢後主建興七年春及民國七年夏六月武都注見後漢安帝永初五年又案南齊書謂楊氏與苻秦同出略陽魏書謂其居武都地惟宋書以為略陽清水氏者為詳確且通鑑載曹操徙武都氏入天水界又云武都氏王楊僕率種內附居漢陽郡則楊氏之居武都者久遷秦州清水間矣但此時陰平武都皆為難敵所據故李壽攻之

癸巳八年 趙建平四年成玉衡二年 張駿遣張淳來上表

駿欲假道於成以通表建康成主雄不許駿乃遣治中從事張淳稱

藩於成以假道雄偽許之將使盜覆諸東峽或以告淳淳謂雄曰寡君使小臣行無迹之地通誠於建康者以陛下嘉尚忠義能成人之美故也若欲殺臣當斬之都市雄大驚曰

自古以西北東者多矣未聞以東南有西北者也蓋西北據天下上游以西北爭東南也

順而易以東南
圖西北也逆而
難此自然之勢
也元帝偏安江
左據東南一隅
經營西北其勢
不易張駿通表
建安聊表臣心
而已

安有此邪司隸景鸞謂淳曰卿體豐大天熱可遣下吏先往淳曰寡君以皇輿播越梓宮未返生民塗炭莫之拯救故遣淳通誠上都所論事重非下吏之所能傳使下吏可了則淳亦不來矣雖火山湯海猶將赴之豈暑之足憚哉雄謂淳曰貴主英名蓋世土險兵強何不稱帝自娛一方淳曰寡君祖考以來世篤忠貞以讎恥未雪枕戈待旦何自娛之有雄甚慚厚爲禮而遣之淳卒致命於建康

劉友益曰書遣使上表何予義也張氏嘗書遣使矣不書其人此則何爲書張淳予淳也於是淳自蜀求通間關險阻必達君命可謂賢矣故書予之而

駿不書趙涼州牧

甲九年

趙石弘延熙元年成玉衡一十四年前涼太元十一年

春正月仇池公楊難敵卒子毅

是爲仇池楊氏第四世

嗣

遣使稱臣於晉

初楊茂搜卒子難敵嗣位與弟堅頭分部曲難敵屯下辨堅頭屯河池元帝時避劉曜之難暫奔晉壽曜退復還仇池至是難敵卒子毅立臣

事晉拜征南將軍

案一統志有仇池國有仇池鎮有仇池郡有仇池縣漢建安中氏楊駒始徙仇池山子孫世據以爲國謂之百頃氏王此仇池國也今成縣西北七十里之仇池山是後魏太平貞

君七年置仇池鎮後亦爲楊氏所有今成縣治是仇池郡治所當在今禮縣東南西魏置仇池縣在今漢中府略陽縣西北百六十里餘見西晉惠帝元康六年十二月注

二月晉以涼州張駿爲大將軍

自是每歲使者不絕是年十一月趙石虎弑其主弘自立爲居攝天王

案十六國春秋石勒卽皇帝位以世子弘爲太子子宏爲大單于中山公虎爲太尉進爵爲王虎怒私謂其子邃曰吾身當矢石二十餘年以成大趙之業大單于當以授我乃與黃吻婢兒念之令人氣塞不能寢食待主上晏駕後不足復留稱也至是弑弘自立

乙未 咸康元年

趙石虎建武元年成李期玉恆元年前涼太元十一年

多大將軍張駿遣使上疏請北伐

初張軌及實茂

保據河右軍旅之事無歲無之及駿嗣位境內漸平駿勤修庶政總御文武咸得其用民富兵強遠近稱爲賢君駿遣將伐龜茲鄯善於是西域諸國皆詣姑臧朝貢駿有兼秦雍之志遣使上疏以爲勒雄既死虎期繼逆元老消落後生不識慕戀之心日遠日忘乞敕司空鑿征西亮等汎舟江河首尾齊舉

丁酉 三年

趙建武三年成玉恆三年年前涼太元十四年

楊初 是爲仇池楊氏第五世

殺楊毅自稱仇池公附於趙

殺臣事晉

者也晉拜爲征南將軍其族兄初殺而代之臣於石虎仍稱藩於晉封仇池公改封天水初後爲宋奴所殺子國復殺宋奴而襲殺位桓溫表以爲鎮北秦州刺史尋爲從父俊所篡

己五年趙建武五年漢漢興二年代建國二年張駿於涼州立辟雍明堂辟雍天子之學明堂王者之堂

豈臣子所得爲哉駿立之僭也後

穆帝永和元年駿又自稱涼王

慕壽祺曰水泉深則魚鼈歸之樹木盛則飛鳥歸之國家盛則豪傑歸之昔人有築一臺而賢者皆來揖一蛙而勇士奮鬪者矣况自永嘉不競中原士大夫避難涼州者實繁有徒校舍幾不能容駿伐焉耆于闐等國葱嶺以東皆聞風而降遣沙州刺史楊宣疆理西域則朝貢亦時所恆有於焉講學辟雍受賀明堂固一時之盛也而僭用天子之制亂自此階矣

案成帝名衍明帝子在位十七年改元二曰咸和曰咸康帝少爲庾氏舅族所制及長頗留心萬幾雖無雄武之度而有恭儉之德以咸康八年夏六月崩年二十二立其弟岳是爲康帝

康帝癸卯建元元年

趙建武九年漢漢興六年代建國六年前涼太元二十年

冬十二月趙石虎侵涼戰於河西虎

兵敗績

帝即位欲定制度年號復與中朝故改元曰建元秋七月遣使詣張駿諮謀軍事駿每遣使渡江多爲虎所獲虎恐涼州爲後患於是與駿戰大敗明年夏四月

月駿又敗趙將王擢於三交城

案春秋之例敵未陣曰某敗師若莊十一年敗宋師于潛是皆陣曰戰大崩曰敗績若莊二十八年甲寅齊人伐衛衛人及齊人戰衛人敗績是或書地若僖二十二年冬十一月宋公及楚人戰于泓宋師敗績又宣十二年六月荀林父及楚人戰于泌楚師敗績是也

甲辰二年 趙建武十年漢李勢太和元年代 春正月涼張駿討于闐破之 是時駿經營西域東界至沙州

西界至河州於姑臧築城流沙伐龜茲鄯善焉耆前部皆臣於駿南羌于闐不服駿遣和麟謝艾大破之

案康帝名岳字世同成帝弟庾冰謀立長君遂詔弟為嗣在位二年改元一曰建元以建元二年九月崩太子聃立是為穆帝

穆帝 丙午 永和二年 趙建武十二年代建國九年漢嘉甯元年前 夏五月涼州牧張駿

卒 駿臨薨之前遣使上表於晉其辭曰陛下天挺岐嶷堂構晉室遭家不造播幸吳楚宗廟有黍離之哀園寢有殄廢之痛臣遐域僻陋勢極秦隴石勒李雄既死人懷反

正謂虎期之命曾不崇朝雍容江表坐觀禍敗懷目前之安替四祖之業馳檄布告徒設空文臣所以悲吟荒漠痛心長路者也少康中興起於一旅光武嗣漢衆不盈百况以荆揚標悍臣州突騎吞曦遺羯在於掌握哉在位二十二年卒年四十四世子重華繼立晉遣使策贈駿大司馬諡忠成公張氏四世忠貞自駿而後鮮克繼者矣是年秋趙石虎遣將

麻秋擊涼州

車濟字萬度敦
煇人宋矩字處
規亦敦煇人皆
爲張重華之臣

案十六國春秋前涼張軌西晉永甯初爲涼州牧封西平公軌卒子實立爲妖賊劉宏所弑其弟茂立爲前趙劉曜所攻遂降趙茂卒立實之子駿雖稱臣於石氏時假道於蜀以通晉此四世者皆忠於晉

趙攻涼州張重華遣主簿謝艾將兵逆戰大破之

後趙遣將軍王擢麻秋擊涼州張重華悉發境內兵使裴恆將以禦

之久而不戰司馬張耽薦謝艾才兼文武可用也重華召艾問以方略艾願請兵七千人必破趙以報重華拜艾中堅將軍給步騎五千艾引兵出夜有二梟鳴於牙中艾曰六博得梟者勝今梟鳴牙中克敵之兆也進與趙戰大破之麻秋之克金城也縣令車濟不降伏劍而死秋又遣書誘致宛成都尉宋矩矩曰爲人臣功既不成惟有死節耳先殺妻子而後自刎秋曰皆義士也收而藏之

慕壽祺曰規家庭之盛衰者必視其子弟何若卜國家之強盛者必視其人才何如故有佳子弟而門戶日見振興有真人才而國家可免傾覆此古人之定理也石虎氣吞四海今有九州之力而爲謝艾所敗人才之關係顯不重哉

丁三年 趙建武十三年漢嘉甯二年前燕慕容皝夏四月趙攻涼州張重華遣謝艾將

兵擊破之

先是趙遣王擢麻秋攻涼爲涼將謝艾所破至是復遣麻秋攻枹罕帥衆八萬圍塹數重雲梯地道百道皆進城中禦之秋衆死傷數萬退保大夏張重

華遣謝艾帥步騎三萬進軍臨河艾乘輅車戴白帽鳴鼓而行秋望見怒曰艾年少書生冠服如此輕我也命黑稍龍驤三千人馳擊之艾左右大擾艾踞胡牀指揮處分趙人以爲有伏兵懼不敢進別將張瑁自間道引兵截趙軍後趙軍退艾乘勢進擊大破之趙王虎復遣孫伏都帥步騎二萬會秋軍長驅濟河艾又破之虎歎曰吾以偏師定九州今以九州之力困於枹罕彼有人焉未可圖也

案河州有大夏縣漢地理志屬隴西郡取漢西大夏以名之晉宋及隋皆因之唐省入枹罕縣故城在故河州東南水經注大夏縣西有故金紐城本都尉治其地屬故河州或謂大夏今并州晉陽及汾絳等州大誤時晉陽屬趙相去甚遠進軍臨河者臨大夏河也大夏出塞外絡三關其流渾渾湯湯與河爭雄折行二三百里而東入洩湖峽以會於河慕壽祺曰謝艾一主簿耳非宿將可比又非有摧城克敵之功重華用以拒趙觀其戴白帽而征聽梟鳴而喜不以死生禍福動其心趙師敗矣豈待交綬哉當駿之時南羌于闐不服艾與和鱗大破之史稱一代名將諒哉

冬十月晉以張重華爲涼州刺史西平公

晉遣御史俞歸進重華官爵重華欲稱涼王未肯受詔使所親私謂歸曰主公奕世爲晉

忠臣今曾不如鮮卑何也歸曰吾子失言聖上以貴公忠賢故爵以上公任以方伯寵榮極矣豈鮮卑夷狄所可比哉且吾聞之功有大小賞有輕重今貴公始繼世而爲王若帥河右之衆東平胡羯修復陵廟迎天子返洛陽將何以加之乎重華乃止

大夏今甯定縣舊莊謂爲并州晉陽及汾絳等州者非

楊初遣使稱藩於晉詔以初爲雍州刺史仇池公

初楊難敵降劉曜封爲武都王已降於成旋復叛成難敵卒子殺嗣

遣使來稱藩族兄初襲殺之附於趙石虎至是初復通使詔以爲征南將軍雍州刺史仇池公

案漢書仇池縣界本名仇維山上有池故曰仇池山在滄洛二谷之間常爲水所衝激故下石而上土形似覆壺太平御覽仇池山上有百頃池地平如砥其南北有山路西山絕壁百仞上有數萬家一人守道萬夫莫向山勢自然有樓櫓卻敵之狀東西二門盤道可七百里上有岡阜泉源史記謂秦得百二之固也餘見晉惠帝元康六年冬十二月及成帝元和九年春正月注

趙麻秋襲枹罕取之

秋又襲涼將張瑁敗之斬三千餘級枹罕將軍李遠率衆七千降趙自河以南氐羌皆附於趙

已酉五年 趙石虎泰甯元年代建國十二年石鑿青龍元年前燕慕容暉建熙元年前涼永樂四年是時漢已爲蜀所滅

趙梁犢自稱晉征東大

將軍帥衆攻下辨姚弋仲蒲洪大破斬之

趙主虎以卽位大赦故東宮高力等萬餘人謫戍梁州行達雍城不在赦例高

力督梁犢因衆怨作亂攻拔下辨掠民斧施一丈柯攻戰若神所向崩潰長驅而東犢遂趣洛陽虎遣李農統步騎十萬討之大敗虎大懼以燕王斌爲大都督統姚弋仲蒲洪等討之弋仲將其衆八千餘人至鄴求見虎虎病未之見引入賜食弋仲怒曰主上召我來擊賊當面授方略我豈爲食來耶且主上不見我我何以知存亡虎力疾見之賜以鎧馬

弋仲曰汝看老羌堪破賊否乃被鎧跨馬於庭中因策馬南馳不辭而出遂與斌等擊犢於榮陽大破斬之

案晉書載記姚弋仲南安赤亭羌人也其先有虞氏之苗裔禹封舜少子於西戎世爲羌酋其後燒當雄於洮罕之間七世孫滇虞漢中元末寇擾西州爲楊虛侯馬武所敗徙出塞虞九世孫遷邽率種人內附漢朝嘉之假冠軍將軍西羌校尉歸順王處之於南安之赤亭邽玄孫柯迴爲魏鎮西將軍綏戎校尉西羌都督迴生弋仲少英毅不營產業唯以收恤爲務衆皆畏而親之永嘉之亂東徙榆眉戎夏繼負隨之者數萬自稱護西羌校尉雍州刺史扶風公劉曜之平陳安也以弋仲爲平西將軍封平襄公邑之於隴上

案舜之子孫見於紀載者多矣路史曰女嬃生義均及季釐均封商今陝之商洛有堯女墓武關西北百二十里商城是也禹封其子於虞季釐封於緡其後爲夏桀所克舜庶子七人圭胡負遂廬蒲衛甄潘鏡番傳鄒息有何母轅餘姚上虞濮陽餘處西虞亡錫巴陵衡山長沙皆其裔也西書章句謂虞思陳胡公之屬則就其最著者言之耳案有虞氏其先國於虞始爲虞氏系出虞幕瞽睪初家於冀娶握登見大虹意感而生於舜姚墟故姓姚夏少康奔有虞虞君思妻之二姚姚虞姓也鄭樵通志氏族略所謂因生以賜姓居於姚墟者賜以姚是也王厚齋引左傳正義曰世本舜姓姚氏虞氏猶姓姚也至胡公周乃賜姓爲媯謂胡公之前已姓媯安也史記陳世家陳胡公滿者虞帝舜之後也昔舜爲庶人時堯妻之二女居於媯汭其後因爲氏姓媯氏舜已崩傳禹天下而舜子商均爲封國夏后之時或失或續至於周武王克殷紂乃復求舜後得媯滿封之於陳以奉帝舜祀是爲胡公左昭八年史趙曰自幕至於瞽睪無違命舜重之以明德實德於遂遂世守之及胡公不淫故周賜之姓使祀虞帝杜注遂舜後蓋殷之興存舜之後而封遂言舜德至

於遂也胡公滿遂之後也事周武王賜姓曰媯封諸陳紹舜後又襄二十五年子厓曰昔虞闕父爲周陶正以服事我先王我先王賴其利器用也與其神明之後也庸以元女太姬配胡公而封諸陳以備三恪杜注闕父舜之後胡公闕父之子滿也然則舜之子孫在夏殷莫著於思於遂在周則爲闕父胡公而昭三年晏子以箕伯直柄伯戲三人與虞遂並稱征南皆以爲舜後素隱曰商均所封虞卽今之梁國虞城是也夏代猶封虞思虞遂禹封於西戎者舜之少子弋仲之始祖而其名竟不傳或言赤亭姚氏卽舜之後裔姚虞姓也其先在夏禹之時得長西戎爲中國附庸繼世相傳漸失國土至後秦復大顯於世理或然歟

又案下辨地名卽今成縣注見漢高祖元年夏五月曹參攻下辨力疾勉力帶病而起杜甫詩力疾坐清曉姚弋仲南安赤亭羌人故自稱老羌魏置略陽郡卽今秦安縣餘見晉惠帝元康六年略陽氏楊茂搜據仇池注

夏五月涼州刺史張重華遣將攻趙長城仇池公楊初攻趙西城皆破之

是年四月

趙主石虎卒子世立其兄遵弒之及其太后劉氏而自立張重華楊初聞其內亂攻其不備皆破之

庚六年

魏冉閔永興元年前燕建熙二年代建國十三年前涼永樂五年是歲後趙改魏

秦苻健攻陷安定諸城

是年三月趙故將鳩殺蒲

洪洪弟健嗣改姓苻氏取長安敗張先於陰槃盡陷安定諸城明年健稱秦王

案隴東鎮原縣卽漢晉安定郡治所屬安定縣卽今涇川陰槃地名在今靈臺縣皆與陝接壤苻健由陝出兵敗張先於陰槃安定諸城如臨涇高平彭陽不攻自陷矣所謂迅雷不及掩耳也至與省鄰近之安定縣舊屬鞏昌府非古安定郡攷古者不可不知

又案晉載記曰其家池中蒲生長五丈五節如竹形時咸謂之蒲家因爲氏焉又隴右大雨謠曰雨若不止洪水必起因名曰洪後於晉穆帝永和間以讖文有草付應王又以孫堅背有草付字遂改姓符

辛亥 魏永興二年代建國十四年前秦符健皇始元年前燕建熙三年前涼永樂六年

冬十一月趙涼州刺史石甯據上

邦不下十二月秦符雄擊殺之秦雍夏夷皆降秦符健

壬子 魏永興四年前秦皇始二年代建國十五年前燕慕容儁元璽元年前涼永樂七年明年魏爲前燕滅

趙故將王擢奔涼州者石

虎故將也遣使詣建康請降晉拜擢秦州刺史未幾擢爲符健所逼奔於涼州

癸丑 代建國十六年前燕元璽二年夏五月張重華攻秦上邦拔之

是年春二月秦以領軍將

軍符願爲秦州刺史鎮上邦至是重華復攻上邦拔之使王擢襲秦州取之帝詔進重華涼州牧

案後趙石勒初與劉聰合後與劉曜絕遂據襄國稱帝國號曰趙勒死其子弘立石虎廢弘自立由襄國遷於鄴虎死其子世立爲虎從子遵所弑遵立復爲石鑒所弑鑒自立使苞伏都攻石閔閔遂盡滅石氏族後趙遂亡

甲寅十年

前秦皇始四年前燕元璽三年代建國十七年前涼張祚和平元年

春正月張祚自稱涼王

先是涼州牧張重華卒子曜靈立纔十歲

重華庶兄祚有勇力與嬖臣趙長等結異姓兄弟出謝艾守酒泉長等矯遺令以祚輔政乃廢曜靈而立祚至是祚自稱涼王改元置百官郊祀天地尙書馬岌切諫坐免官郎中丁琪復諫曰自武公以來世守臣節抱忠履謙故能以一州之衆抗舉世之虜師徒歲起民不告疲今而自尊則中外離心安能以一隅之地拒天下之彊敵乎祚大怒斬之慕壽祺曰江左偏安中原鼎沸九重宵旰何時釋人民倒懸何時解張祚世守涼州此正臥薪嘗膽時也縱不能恢復中原獨不爲身家計乎愛虛榮而受實禍鄉黨自好者不爲乃竟僭自稱王四世忠貞一朝掃地蕭牆之內有起而相圖者矣又何待乎強敵哉

秋九月涼王祚遣和昊伐驪軒戎敗績

驪軒涼州南山戎也張祚遣和昊伐之大敗而還

案地理志驪軒縣名漢置屬張掖郡晉改屬武威郡後魏廢顏師古曰取國名爲縣也驪力遲反今土人俗呼驪軒疾言之曰力虔隋開皇中並力乾縣入番和蓋卽驪軒之訛其故城在今永昌縣南

乙卯十一年 前秦苻生壽光元年前燕元璽四年代 秋閏九月涼州弒其君祚立張玄

靚為涼王

涼王祚遙虞上下怨憤惡河州刺史張璿之疆使索孚代之璿斬孚起兵傳檄州郡廢祚復立曜靈將軍宋混合眾萬餘人以應之祚殺曜靈混聞之為

之發哀軍至姑藏張璿弟琚開門納之趙長等懼罪入閣呼張重華母馬氏立曜靈弟玄靚為主諸將攻長等殺之祚素失眾心莫肯為之鬪者遂見殺梟其首城內咸稱萬歲混

琚上玄靚為大將軍西平公復稱建興四

十三年時玄靚始七歲璿至推為涼王

侯瑾案靖經學
家也而皆精於
數學可見一能
而無所不能矣
單道開亦敦煌
人郭廌西平人
見晉書此甘青
兩省之方伎家
也

慕壽祺曰涼自張駿以來大修宮闕非偶然矣擊虞善觀玄象嘗謂友人曰今天下方亂
避難之國其惟涼土乎漢末敦煌人侯瑾預知涼州城西水泉當竭有雙闕起其上有霧
者出又敦煌索靖未遇時行至姑臧見城南石地曰此後當起宮殿後皆果如其言然篡
殺之端賊亂之黨亦自此而起矣祚不足以為君而君之者涼州之人也夫既君之而又
殺之是舉一州之
人皆弒君之賊爾

丙辰十二年 前秦壽光二年前燕元璽五年 秦殺其侍中丞相雷弱兒 及其九子
代建國十九年前涼太始二年 二十七孫 諸羌

悉叛

弱兒南安羌酋也剛鯁好直言見秦主嬖臣趙
詔董榮亂政每大言於朝故榮等譖而殺之

秦遣閻負梁殊等使涼州

秦主聞張祚見殺玄靚幼冲命其征東晉王柳遣參軍閻負
梁殊使涼州以書諭之負殊至姑臧玄靚年幼不見涼州牧

秦之人才何如
此其盛時王猛
尚未顯達至符
堅嗣位始重用
之

張璠見之曰我晉臣也臣無境外之交二君何以來辱負殊曰晉王與君鄰藩故來修好君何怪焉璠曰吾盡忠事晉於今六世矣若與征東通使是上違先君之志下墮士民之節其可乎負殊曰江南文身之俗道河先叛化隆後服主上以爲江南必須兵服河右可以義懷故遣行人先申大好若君不違天命則江南得延數年之命而河右恐非君之士也璠曰我跨據三州帶甲十萬西包岷域東阻大河伐人有餘而况自固秦何能爲患負殊曰貴州險塞孰若嶠函五郡之衆何如秦雍張琚杜洪因趙之成資據天阻之固策三秦之銳藉陸海之饒勁士風集驍騎如雲自謂天下可平關中可固先帝神矛一指望旗冰解人詠來蘇不覺易主燕雖武視關東猶以地勢之義逆順之理北面稱藩貢不踰月致肅慎楛矢通九夷之殄單于屈膝名王內附控弦之士百有餘萬鼓行而濟西河者君公何以抗之盍追遵先王臣趙故事世享大美爲秦之西藩璠曰然秦之德義加於天下江南何以不賓負殊曰文身之俗負阻江山道洿先叛化盛後賓自古而然豈但今也故詩曰蠢爾蠻荆大邦爲仇言其不可以德義懷也璠曰秦據漢舊都地兼將相文武輔臣領袖一時者誰也負殊曰皇室懿藩忠若公旦者則大司馬武都王安征東大將軍晉王柳文武兼才神器秀拔入可允釐百工出能折衝萬里者衛大將軍廣平王黃眉後將軍清河王法龍驤將軍東海王堅主之兄弟其者年碩德德侔尙父者則太師錄尙書事廣甯公魚遵其清素剛嚴骨鯁貞亮則左光祿大夫強平金紫光祿程肱牛夷博聞強識探賾索幽則中書監胡文中書令王魚黃門侍郎李柔雄毅厚重權智無方則左衛將軍李威右衛將軍苻雅才識明達令行禁止則特進領御史中丞梁平老特進光祿大夫強注侍中尙書呂婆樓文史富瞻鬱爲文宗則尙書右僕射董榮祕書監王鸞著作郎梁謙驥勇多權略攻必取戰必勝關張之流萬人之敵者則前將軍新興王飛建節將軍鄧羌立

忠將軍彭越安遠將軍范俱難建武將軍徐盛常伯納言卿校牧守則人皆文武莫非才賢其餘懷經世之才蘊佐時之略守南山之操遂而不奪者王猛朱彤之倫相望於巖谷濟濟多士焉可罄言姚襄張平一時之傑各擁衆數萬狼顧偏方皆委忠獻款請爲臣安小不事大春秋所誅惟君公圖之瓘笑曰此事決之主上非身所了負殊曰涼王雖天縱英睿然尙幼冲君公居伊霍之任安危所繫見機之義實在君公瓘新輔政河西所在兵起懼秦師之至乃言於玄觀遣使稱藩生因其所稱而授之

己未 升平三年 前秦苻堅甘露元年代建國二十一年 春三月秦平羌護軍高離據略陽

叛秦州刺史啖鐵等討平之 先是永和十年夏六月涼秦州刺史王擢降秦秦以啖鐵爲秦州刺史仇池公

辛酉 五年 前秦甘露三年前燕慕容皝建熙二年代建國二十四年前涼張玄靚升平元年 秋九月涼州張邕殺宋澄冬十月

張天錫誅之詔以張玄靚爲涼州刺史西平公 先是涼宋混素忠鯁張瓘欲殺之因廢張玄靚而自立混以太后令

誅瓘請張玄靚去王號復稱涼州牧既而混卒玄靚以混弟澄爲領軍將軍輔政右司馬張邕惡之至是邕攻殺澄自爲中護軍驕縱專權多所刑殺玄靚叔父天錫殺之盡滅其族玄靚以天錫爲大將軍輔

政始奉升平年號故有是命

案穆帝名聃字彭子康帝予在位十七年卽位時二歲皇太后褚氏臨朝攝政改元二曰永和曰升平以升平四年五月崩琅邪王丕立是爲哀帝

癸亥 哀帝興甯元年

前秦甘露五年前燕建熙四年代建國二十六年前涼張天錫太清元年

秋八月涼張天錫弒其君玄

靚而自立

玄靚庶母郭氏以張天錫輔政將不利於玄靚哀帝隆和元年三月丁丑涼州地浩疊山崩國亂之兆乃與大臣張欽等謀誅天錫等事泄玄靚冲幼性

弱不能聲罪致討天錫率衆入禁門弒玄靚自稱涼州牧西平公遣司馬奉章詣建康請命明年夏六月秦王堅遣大鴻臚拜張天錫爲大將軍涼州牧西平公

案哀帝名丕成帝子穆帝崩無嗣皇太后令曰琅琊王丕中興正裔義望情地宜奏大統在位四年改元二曰隆和曰興甯以興甯三年三月崩又無嗣太后詔以琅琊王奕卽位

是爲帝裔又稱海西公

海西公

丙寅 前秦建元二年前燕建熙七年代建國二十九年

冬十月羌斂岐叛秦以略陽

四千家歸李儼

斂岐自稱益州刺史率部落四千家依涼州叛將李儼

是歲敦煌城南佛寺告成

秦沙門樂僊在敦煌城南四十里鑿山爲佛多至數十龕至是工竣紀以碑後遂名爲莫高窟今世所稱爲千佛寺者也

案敦煌佛寺肇自東晉之初至宋元以還地震而圯者數百沙壅而失者數百梯壞不可登者又數百其現存者尙不可以數計苻秦沙門樂僊建元二年所立碑清乾隆中土人尙見之後爲沙壓無由復得僅存周李君重修莫高窟佛龕碑其紀年用武氏又睡佛洞外有開元時李府君功德碑又如來窟巔有大宋乾德八年歸義軍節度使西平王曹元

忠建摩崖大字乾德只五載而云八年者豈其時道途偶阻朝命有未通歟許玉年敦煌千佛巖歌叙其事甚悉歌有云就中一佛聳百丈天外昂頭出雲上人入耳輪倚籐杖其所由來者久矣

清初汪隆遊敦煌千佛寺五言排律其辭曰古郡敦煌遠幽崖佛洞傳建垣新月訪勝舊山川寶啓琳宮現沙凝法象懸神工勞勞劃匠手巧雕鐫排列雲迢遞嵌空境接連金身騰百丈碧影肅諸天貝葉雙林展維摩一榻眠威尊龍象伏慧照寶珠懸大地形容盛靈光繪畫宣莊嚴揮四壁妙善寫重巖門擁層層塔岩盤朵朵蓮恆河難指數法界詎云千側立衣冠偉分行劍佩聯炫奇疑異域締造自何年宗子唐家計西涼李氏延但誇祇樹景不惜水衡錢霜雪時頻易兵戈代屢遷汗塵迷淨土戰血染流泉閭寂憑誰顛摧頽實可憐茲逢清塞暇開眺化城邊色相嗟多毀丹青訝尙鮮問禪無釋侶稽首冷香烟字落殘碑在叢深蔓草纏徘徊荒利外懷往意悠然

慕壽祺曰羊銜之洛陽伽藍紀所載漢魏古刹如白馬寺永甯寺瑤光寺法雲寺胡統寺昭儀尼寺固極一時之盛須彌寶殿兜率淨宮莫尙於斯也今安在哉敦煌遠在西陲樂尊所鑿之佛龕不逮洛陽遠甚而古蹟保存至清末流沙墜簡散布於歐洲於是世界各國知有敦煌佛寺豈非中國古代之圖書館耶

丁卯 前秦建元三年前燕建熙八年 春正月秦輔將軍王猛揚武將軍姚萇等討

羌斂岐 秦主遣王猛姚萇與隴西太守姜衡南安太守邵羌討斂岐於略陽岐部落聞姚萇至皆降萇猛遂克略陽岐奔白馬

須彌三切見常景永甯寺碑

案今成縣西有武都故城古白馬氏地前漢書武帝開白馬氏分廣漢西白馬爲武都郡土地險阻居於河池一名仇池晉仍爲縣亦屬武都郡後廢魏改南秦州治洛谷城領仇池郡其後移治階陵而此城廢

三月涼州張天錫遣常璩討叛將李儼

璩率步騎三萬擊李儼攻其大夏武始二城尅之

案晉穆帝永和三年趙麻秋攻枹罕涼州將張俊欲棄大城甯戎校尉張璩從之海西公太和二年張天錫討李儼遣征東將軍常璩向左南孝武太元元年符堅伐涼州張天錫遣征東將軍常璩帥衆三萬軍於河池張璩常璩據若爲三人今考十六國春秋與晉書載記則本一人之事也但載記作張璩十六國春秋作常璩通鑑於永和中已從載記於太和中又從十六國春秋於太元中復不知何所本而作常璩張也常也掌也姓則歧而爲三璩也據也名且析而爲二使讀者惑焉

張天錫遣楊邁率兵向金城以討李儼

漢金城屬國在今永登縣境其西南爲沿門古城

戊辰三年前秦建元四年前燕建熙九年代建國三十一年前涼太清六年

春二月秦遣將軍王鑒呂光

臨渭略陽縣人是爲後涼之祖

等討苻雙

先是秦秦州刺史苻雙據上邽反苻武據安定應之至是秦王堅遣武衛將軍王鑒甯朔將軍呂光等討之夏四月雙至榆眉呂光擊破之雙武奔上邽

秋七月王鑒等拔上邽斬雙武秦以左衛將軍苻雅爲秦州刺史

宋時有掌禹錫
學士見明道雜
志是掌姓亦有
之

案光初生於枋頭有神光舉家異之遂以光為名太平御覽光字世明連結豪傑好施待士身長八尺四寸目重瞳子左肘生寅印性沈重質略寬大有度量時人莫之識惟王猛布衣時異之曰此非凡人又云光左肘生肉印及征南城肉隱起文字曰臣霸後涼錄光伐龜茲王帛純拒命不降光軍城南五里為營肝肉印成文

秦以仇池公楊世

是為仇池氏第六世

為秦州刺史

世仇池公楊初曾孫數世襲晉封爵至是又稱臣於秦秦王符堅以為南秦州刺史

辛未 太宗簡文帝咸安元年

前秦建元七年前燕建熙十一年代建國三十四年前涼太清九年

春二月秦伐仇池克之

執楊纂

是為仇池楊氏第七世

以歸

初晉以楊世為秦州刺史既而稱藩於秦世卒其子纂立始與秦絕纂弟楊統起兵武都與纂分爭秦遣秦州刺史符鴉

及姚萇楊安等帥師伐仇池與纂戰於仇池縣北之驚峽纂敗績降雅雅送長安秦王堅命安留鎮仇池

案晉書載記晉以楊俊為平西仇池公俊卒子世立晉以為冠軍仇池公世嘗為符堅破擒復還國稱藩卒晉以其子纂為秦州刺史仇池公咸安元年符堅遣楊安克仇池殺纂率百頃之地安即嗣子前避俊難而奔符氏者也

吐谷渾入貢於秦

吐谷渾王辟奚遣使獻馬千匹金銀五百斤於秦秦以為溫川侯

案吐谷渾其先出自鮮卑慕容氏初慕容奕洛干有二字庶長曰吐谷渾嫡曰若洛廐後因二部馬鬪相傷若洛廐使人讓之吐谷渾西徙隴度枹罕出涼州西南至赤水而居吐

徒河涉歸
奕洛干隋書作

南秦州即今隴南之成縣

吐谷渾之子孫
世據青海與中
國北朝相持享
國最久

谷渾死有子六十人孫葉延頗視書傳自謂曾祖奕洛干始封昌黎公吾爲公孫之子案禮公孫之子得以王父字爲氏遂姓吐谷渾亦爲國號自晉時建國傳十九世凡三百四

十七年諾曷鉢奔唐國亡
蓋鮮卑之享國最久者

案灑川故城在洮州西南晉太元中乞伏國仁置灑川郡於此其地西接黃沙亦稱沙灑三國時蜀姜維退屯沓中種麥卽此地也

冬十月西平公張天錫入貢於晉

張天錫來貢方物言中原舊統無來者惟天錫而已書公貴之也

案海西公名奕字延齡史所稱爲廢帝者也而在位初無失德永和六年桓溫屯白石詣闕諷太后集百官於朝宣令廢帝出居吳縣溫迎元帝第六子昱立之是爲簡文帝

王甲二年

前秦建元八年代建國三十五年
前涼太清十年是時前燕已亡

秦益州刺史王統討隴西鮮卑降其衆統攻

隴西鮮卑乞伏司繁於度堅山司繁帥騎三萬拒統於苑川統潛襲度堅山司繁部落五萬餘皆降衆騎遂潰司繁無所歸亦詣統降

秦以李辯領普興太守鎮枹罕徙涼州治金城

案河州古西羌地漢置枹罕縣屬金城郡後漢改屬隴西郡晉初廢惠帝時復置前涼張軌據河西分置晉興郡於此後又分置興晉郡咸康初涼張駿以郡置河州義熙中爲西秦乞伏氏國都西甯府志謂晉興郡故城在西甯縣治東南小晉興城南晉永甯中分西平郡界置郡統左南等縣又小晉興故城在晉興郡北水經注湟水東南逕小晉興城北

故都尉治十三州志允吾縣西四十里有小晉興是又天下郡國利病書謂小晉興即今之古鄆驛

又案簡文帝名煜字道萬元帝第六子也桓溫既廢帝奕以太后詔迎帝於會稽入承大統在位二年改元一曰咸安二年秋七月崩太子昌明立是為孝武帝

癸酉 烈宗孝武帝甯康元年

代建國二十六年前涼太清十一年前秦建元九年

秦討鮮卑勃寒降之

鮮卑勃寒寇隴右秦

王堅使乞伏司繁討之勃寒請降遂使司繁鎮勇士川

秋八月涼州刺史楊亮襲仇池不克

亮遣其子廣襲仇池與秦梁州刺史楊安戰廣兵敗走諸戎皆委城奔潰

冬十一月秦以王統為秦州刺史鎮仇池

案仇池古城四面陡絕壁立于仞石角外向自然有樓櫓雉堞之狀惟有一門可通絕頂平地方十餘里有田及水泉草木蔭翳自下而上羊腸盤道三十六迴今土地人民皆隸

禮縣唐天寶之亂杜甫隱居山下有仇池詩

丙子 孝武太元元年

前秦建元十二年前涼太清十四年是歲涼代二國皆亡

秋七月秦遣兵擊涼川八月敗其

兵涼將掌握死之張天錫降秦

先是咸安元年天錫以秦之威旁振無外關東既平將移兵河右恐非六郡士民所能抗乃遣使稱藩於秦秦

是役也秦遣其
武衛荀萇左將
軍毛盛中書令
梁熙等率騎十
姚萇伐天錫又
三萬州刺史苟
道秦州刺史李
池河州刺史王
辨涼州刺史李
統率三州之衆
以繼之

王堅拜天錫涼州刺史西平公而其心則未嘗忘晉久之荒於酒色不親庶務黜世子大
懷而立嬖妾之子大豫人情憤怨堅以天錫臣道未純遣將軍苟萇梁熙等將兵臨西河
尚書郎閻負梁殊奉詔徵之若有違命卽進師撲討負殊至姑臧天錫會官屬謀之皆怒
曰吾世事晉朝忠節著於海內今一旦委身賊庭醜莫大焉且河西天險若悉境內精兵
右招西域北引匈奴以拒之何遠知其不捷也天錫攘袂大言曰孤計決矣言降者斬使
謂負殊曰君欲生歸乎死歸乎殊等辭氣不屈天錫怒射殺之其母嚴氏泣曰秦主橫制
天下兵不留行汝若降之猶可延數年之命今已抗衡又殺其使者亡無日矣天錫自將
五萬軍於金昌城又使將軍馬建帥衆二萬拒秦八月秦師濟河天錫又遣掌據帥衆三
萬軍於洪池苟萇使姚萇爲前驅又使別將馬暉杜周出恩宿邀天錫走路涼將軍馬建
迎降據兵敗就帳免胄西向稽首伏劍而死秦兵遂至姑臧天錫面縛出降涼州郡縣悉
下秦以梁熙爲持節西中郎將涼州刺
史封天錫歸義侯拜比部尚書右僕射

案地理志金昌城在涼州永昌縣北二十里胡三省通鑑注金昌在赤岸西北恩宿城在
永昌縣南十六國春秋苻堅使苟萇伐涼萇遣別將馬暉杜周率騎西出恩宿邀張天錫
走路期會姑臧暉等行澤中值水失期堅特宥之洪池嶺名在姑臧縣東南晉永和後
趙石虎將麻秋伐涼別將王擢略地晉興廣武越洪池嶺至於曲柳姑臧大震卽此地也
案晉中興書天錫旣降秦從堅至壽陽堅軍敗遂南歸拜散騎常侍西平公後以貧拜虜
江太守又案世說新語王中郎甚愛張天錫問之曰卿觀過江諸人經緯江左軌轍有何
偉異後來之彥復何如中原張曰研求幽邃自王何以還因時修制苟樂之風王曰
卿知見有餘何故爲苻堅所制答曰陽消陰息故天步屯蹇否剝成象豈足多譏

案前涼錄晉穆帝時涼州牧張駿卒世子重華嗣永和五年稱涼王雍秦梁三州牧張氏四世忠貞掃地盡矣重華卒子曜靈嗣為張祚所弑祚纂曜靈而自立僭即王位於謙光殿大赦改元為和平元年追尊軌為武王廟號太祖實為成王廟號太宗駿為文王廟號世祖又追諡重華為桓王大修宮殿郊祀天地後為眾所殺曜靈弟元靚立又為天錫所殺天錫者元靚叔也纂立未久秦王苻堅滅之天錫子大豫於孝武帝太元十一年起兵改元曰鳳凰後為呂光所殺烏氏張氏以惠帝永甯九月辛巳歲牧涼州至天錫敗亡之時歲在丙午前後八主享國七十六年

慕壽祺曰自古亡國家者非盡昏庸之主也殷辛有勇力善辯而不足以退牧野之師秦人築長城防胡而不足以救望夷之禍新莽下士學周公而不足以息漸臺之火天錫明鑒穎發英聲少著與燕國約伐秦使掌據討叛羌稱制涼州洗劍青海雖為永固所禽終為晉武所器每入言論無不竟日其所以亡國者德不足而恃才兵不輯則自焚故守國者在務本

秦以梁熙為涼州刺史鎮姑臧

初秦兵之出也先為天錫築第於長安至則居之熙清儉愛民河右安之晉桓冲聞秦攻涼州遣兵分道撓秦

以救涼不克而還

慕壽祺曰昔漢武患匈奴強盛故開河西五郡通西域勸農積穀為滅賊之資東西迭擊漢未疲而匈奴已敝矣張氏據涼州已九世於茲連年用兵征役不息秦既平涼州時土

秦以熙為持節
西中郎將涼州
刺史領護西羌
校尉

地空虛人心離貳宜募徙豪彊大家充實涼土一旦有警則東西齊舉此計之得者也不此之計而坐享承平卒爲呂光所殺可哀也已

秦徙涼州豪右七千餘戶於關中

後數年新平王彫以圖讖說秦主堅願徙汧隴諸氏於長安三秦大戶置之於邊地

秦以涼州新附復租稅一年

爲父後者賜爵一級孝弟力田爵二級孤寡高年穀帛有差女子百戶牛酒大酺三日

秦梁熙遣使西域稱揚其主之威德並以繒綵賜諸國王

於是朝獻者十有餘國大宛獻天馬千里駒皆

汗血朱鬣五色鳳膺麟身及諸珍異五百餘種堅曰吾思漢文之返千里馬咨嗟美詠今所獻馬其悉返之庶克念前王髣髴古人矣乃命羣臣作止馬詩而遣之示無欲也其下

以爲盛德之事遠同漢文於是獻詩者四百餘人

壬午七年前秦建元十八年秦擢秦州別駕姜平子爲上第

秦主堅饗羣臣於前殿樂奏賦詩平子詩有丁字直而不曲堅問其

故平子曰臣丁至剛不可以屈且曲下者不正之物未足獻也堅笑曰名不虛行因擢爲上策

癸未八年前秦建元十九年冬秦將軍乞伏國仁叛據隴右

初國仁之父司繁爲秦將王統所破降秦秦以爲南單于留之長安

已復使討叛胡遂鎮勇士川司繁卒國仁嗣爲秦前將軍從秦王堅入寇其叔父步顏聞秦師敗率隴西兵以叛秦使國仁討之國仁遂與步顏合據隴右

後魏時譯士趙逸謂苻堅自是賢主非虛譽也

案晉書載記乞伏國仁隴西鮮卑人在昔如弗斯出連叱盧三部自漠北南出陰山乞伏部有紇于者驍勇善騎射四部推為統主號曰乞弗可汗其後有祐鄰者國仁五世祖也衆稍盛居高平川祐鄰死子利那立利那死弟祁望立祁望死利那子述延立討鮮卑莫侯於苑川大破之因居苑川述延死子偁大寒立遷麥田大寒死子司繁立遷度堅山為苻堅將王統所襲乃降於堅署為南單于鎮西將軍鎮勇十川司繁卒國仁代鎮及堅為姚萇所殺國仁以晉孝武帝太元十年自稱大都督大將軍大單于苑川王國仁太元十三年死在位建義置武城武陽安固武始漢陽天水略陽涇川甘松匡朋白馬范川十二郡築勇士城居之苻登遣使署國仁使持節大都督大將軍大單于苑川王國仁太元十三年死在位四年為諡宣烈王廟號烈祖

甲九年 前秦建元二十年後燕世祖慕容垂 秦姚萇 赤亭姚弋仲子 起兵北地稱秦王 燕元元年後秦太祖姚萇白雀元年 是為後秦太祖

安定諸郡降於萇 秦王苻健死子生立苻堅弑而代之鮮卑慕容宏為堅北地長史 叛堅堅使苻叡暨司馬姚萇討之宏奔關東叡欲邀擊萇以為不

可叡弗聽果敗見殺萇遣其長史詣堅謝罪堅怒殺之萇懼奔渭北馬牧安定 新平羌胡降者十餘萬進屯北地稱秦王是為後秦堅率兵擊之後秦兵屢勝

乙十年 前苻丕大安元年後燕燕元二年後秦白雀二年 夏四月後秦王萇拔新平 西燕慕容冲更始元年西秦乞伏國仁建義元年

轉圍五將山執秦主堅弑之進克平涼封沒奕干為高平公 先是秦主堅率步 騎二萬討姚萇於

莫奔馬牧天水 尹緯尹詳龐演 等鼓勵羣豪推 苻堅為盟主遂敗

北地萇率衆七萬來攻堅爲萇所敗聞西燕慕容冲去長安一百餘里引兵而歸至是冲稱尊號於阿房城改年更始堅身貫中冑與冲相持戰不利留太子宏守長安堅欲出隴收兵運糧以給宏自將張夫人中山公銑率騎數百出奔五將山萇圍之執堅縊弑於新平佛寺因如安定攻平涼胡金熙鮮卑沒奕干破之封沒奕干爲高平公

案後秦姚萇字景茂赤亭羌也父弋仲事石勒石氏旣滅萇隨其兄襄與苻堅戰於三原軍敗襄死萇乃降堅卽受祿位累加爵邑及轉龍驤將軍督梁益州諸軍事堅謂之曰朕昔以龍驤建業此號未曾假人今持山南委卿故特以相授其蒙寵任優隆如此後竟叛堅五將山之圍執堅殺之遂稱帝後又將堅屍鞭撻無數裸剝衣裳薦之以棘掘坎埋之亦已甚矣

案陝西通志五將山在今岐山縣北五十里又案十六國春秋苻秦建元二十一年慕容冲圍長安時城中有書曰右苻傳賈錄載帝出五將山久長得又謠曰堅入五將山長得堅告其太子宏曰脫若此言天或導予遂至五將山六月姚萇將吳忠得堅以歸新平縣幽之別室八月縊於新平湯寺中時年四十八張夫人中山公銑等皆自殺萇欲匿殺之名乃諡爲莊烈天王

舊史氏曰永固

苻堅字

雅量瓌姿變夷從夏叶魚龍之謠詠挺草付之休徵剋

翦姦回篡承僞歷遵明王之德教闡先聖之儒風撫育黎元憂勤庶政王猛

苻堅臨渭氏臨
謂氏迹在故上
邦東北渭水之
陽蒲氏世居其
地至堅之先世
蒲洪應識更姓
苻上邦故城在
今天水縣東四
十里秦武公十
年伐邦戎置縣
漢曰上邦屬隴
西郡

高昌故址在今
新疆吐番縣西
二十里雅爾湖
濱
高梧谷疑即新
疆哈密縣之上
梧桐窩地極險
隘又有下梧桐

以宏材緯軍國苻融以懿戚贊經綸權薛以諒直進規謨鄧張以忠勇恢威
略雋賢效足杞梓呈才文武兼施德刑具舉乃平燕定蜀擒代吞涼跨三分
之二居九州之七遐荒慕義幽險宅心因止馬而獻歌託棲鸞以成頌因以
功侔曩烈豈直化洽當年雖五胡之盛莫之比也既而足已夸世復諫違謀
輕敵怒鄰窮兵黷武遂使凶渠候隙狡寇伺閒步搖啓其禍先燒當乘其亂
極宗社遷於他族身首罄於賊臣貽戒將來取笑天下豈不哀哉豈不謬哉
秋九月秦呂光還自龜茲擊涼州殺其刺史梁熙而代之

先是苻堅建元十九年以光爲使持節都督西

討諸軍事率將軍羌飛彭晃杜進康陽等帥步騎七萬討西域是年十二月至龜茲二十
年秋七月龜茲王帛純戰敗而逃光進入其城西域王侯降者三十餘國以龜茲饒欲留
居之天竺沙門鳩摩羅什曰此不足留將軍但東歸自有福地可居乃以駝二萬餘頭載
外國珍寶奇玩驅駿馬萬匹而還兵至宜禾涼州刺史梁熙謀閉境拒之高昌太守楊翰
曰光新破西域兵強氣銳聞中原喪亂必有異圖若出流沙其勢難敵高梧谷曰險阻之
要宜先守之而奪其水彼既窮渴可以坐制如以爲遠伊吾關亦可拒也度此二阨雖有

高均爲行旅必
由之路
流沙指今敦煌
一帶蓋由哈密
出猩猩峽則無
險可守矣

子房之策無所施矣熙不聽美水令張統曰行唐公洛上之從弟勇冠一時若奉爲盟主以帥羣豪則光雖至不敢有異心資其精銳東合四州掃凶逆甯帝室此桓文之舉也熙又不聽而殺洛於西海光聞翰謀懼不敢進杜進曰熙文雅有餘機鑿不足終不能用宜及其上下離心速取之光至高昌翰以郡降至玉門熙移檄責光擅命還師遣其子胤帥衆拒之光破擒之武威太守彭濟執熙以降光破之入姑臧自領涼州刺史

案晉書載記呂婆樓天水略陽氏人其先呂文和漢文帝初自沛徙略陽世爲豪酋前秦時苻堅要結苻豪以婆樓有王佐才引爲羽翼及堅將廢秦主苻生婆樓薦王猛辦大事

後官至太尉光卽婆樓子以後趙石氏建武四年生有異兆

案苻堅僭號關中有外國前部王及龜茲王弟並來朝堅引見二王說堅云西域多產珍奇請兵往定以求內附至堅建元十三年正月太史秦云有星見外國分野當有大德智人入輔中國堅曰朕聞西域有鳩摩羅什襄陽有沙門道安將非此耶卽遣使求之至十七年二月鄯善王前部王等又說堅請兵西伐十八年九月堅遣驍將呂光凌江將軍姜飛將前部王及車師王等率兵七萬西伐龜茲臨發堅餞光於建章謂光曰夫帝王應天而治以子愛蒼生爲本豈貪其地而伐之正以懷遠之人故也朕聞西域有鳩摩羅什深解法相善閑陰陽爲後學之宗朕甚思之賢哲者國之大寶若尅龜茲卽馳驛送什

慕壽祺曰自佛法東被始於漢明涉歷魏晉經論漸多而譯本所傳多滯文格義當東晉時廬山有慧遠襄陽有道安西域有鳩摩羅什皆崇三寶銳志講集內地經論不與梵本

應者乃得而改正之而苻堅則奉之尤篤初堅遣苻平南攻襄陽得道安送長安住五重寺至是遣呂光伐龜茲瀕行殷殷以什為念其好佛可謂誠矣

西域僧鳩摩羅什隨呂光至涼州

鳩摩羅什天竺人也年二十龜茲王迎之奉為國師西域諸國咸伏羅什神雋每至講說諸公皆長跪坐

側令羅什踐而登焉苻堅聞之密有迎羅什之意會太史奏云有星見外國分野當有大智入輔中國堅曰朕聞西域有鳩摩羅什將非此邪乃遣驍騎將軍呂光等率兵七萬西

伐龜茲謂光曰若獲羅什即馳驛送之光軍未至羅什謂龜茲王帛純曰國運衰矣當有勍敵從日下來宜恭承之勿抗其鋒帛純不從出兵距戰光遂破之乃獲羅什光見其年

齒尚少以凡人戲之強妻以龜茲王女羅什拒而不受辭甚苦至光曰道士之操不踰先父何所固辭乃飲以醇酒同閉密室羅什被逼遂妻之光還中路置軍於山下將士已休

羅什曰在此必狼狽宜徙軍隴上光不納至夜果大雨洪潦暴起水深數丈死者數千人光密異之光欲留王西國羅什謂光曰此凶亡之地不宜淹留中路自有福地可居光還

涼州聞苻堅已為姚萇所害於是竊號河右屬姑臧大風羅什曰不祥之風當有奸叛然不勞自定也俄而有叛者尋皆殄滅沮渠蒙遜先推建康太守段業為主光遣其子纂率

眾討之時論謂業等烏合纂有威聲勢必全尅光以訪羅什答曰此行未見其利既而纂敗於合黎俄又磨郭起兵纂棄大軍輕還復為磨所敗僅以身免中書監張資病光博營

救療有外國道人羅叉云能差資病光喜給賜重其羅什知叉詐告資曰叉不能為益徒煩費耳冥運雖隱可以事試也乃以五色絲作繩結之燒為灰末投水中若出水還成

繩者病不可愈須臾灰聚浮出復為繩叉療果無效少日資亡頃之光死纂立有猪生子一身三頭龍出東箱井中於殿前蟠臥比旦失之纂以為美瑞號其殿為龍翔殿俄而有

後之論者謂佛
關公不能存趙
鳩摩羅什不能
存秦何可安度
奸人致壞大道
豈知佛所講者
出世法也孔子
所言者治世法
也道不同各行
其是而已矣

黑龍升於當陽九宮門纂改九宮門爲龍興門羅什曰此日潛龍出游豕妖表異龍者陰類出入有時而今屢見則爲災眚必有下人謀上之變宜克己修德以答天戒纂不納後果爲呂超所殺

案後秦弘始三年五月姚興遣隴西公碩德西伐呂隆隆軍大敗至九月隆上表歸降方得迎什入關以是年十二月二十日至長安興待以國師之禮請入西明閣及逍遙園譯衆經什既率多諳誦無不究盡博能漢言音譯流便既覽舊經義多紕僻皆由先譯失旨不與梵本相應於是興使沙門僧慧僧遷法欽道流道恆道標僧叔僧肇等八百餘人諮受什旨更令出大品什持梵本興執舊經以相讎校其新文異舊者義皆圓通衆心慚伏莫不欣讚將卒什力疾與衆僧告別曰因法相遇殊未盡心方復後世惻愴何言自以闇昧膠充傳譯凡所出經論三百餘卷唯十誦一部未及刪繁存其本旨必無差失願凡所宣譯傳流後世咸共弘通今於衆前發誠實誓若所傳無謬者當使焚身之後舌不焦爛以弘始十一年八月二十日卒於長安是歲晉義熙五年也卽於逍遙園依外國法以火焚屍薪滅形碎唯舌不灰耳釋慧皎高僧傳所記如此甘州城內有倒影塔相傳謂鳩摩羅什之舌葬於其中殆什住涼積年呂光父子既不弘大道故蘊其深解無所宣化而河西人信仰最深於其卒也故神其說以誇耀於人往來之人亦信之甚矣解人之難索也案西魏書檀特師者名惠豐身爲比丘不知何處人飲酒啖肉語默無常逆論來事後皆如言居於涼州字文仲和爲刺史請之至州內歷觀廢庫乃云何意畜他官馬官物仲和怒不聽住涼州未幾仲和拒不受代朝廷令獨孤信禽之仲和身死資財沒官宇文泰遣書召之檀特發至岐州會高歡來寇玉璧檀特曰狗豈能至龍門也歡果不至龍門而還

其他言事多奇中鳩摩羅什後惠
豐其最著者也甘涼人至今言之

慕壽祺曰鳩摩羅什以大乘為化並精陰陽星算西域學者皆共師焉在涼州積年無所
宣化及姚興迎入西明閣傳受經論三百餘卷化彼東土師之力焉蓋天竺國俗甚重文
制其宮商體韻以入管絃為善凡觀國王必有贊德經中偈頌皆其式也羅什淹通天竺
之學爰自遐裔來遊中夏垂文闡教發聵振聵非假術於神靈乃見珍於道藝而通儒碩
學至詆之曰
異端小哉

冬秦將軍乞伏國仁

鮮卑內徙隴西是為西秦烈祖

自稱單于

國仁稱單于置將相分其地置十二郡築勇士城而都之秦封為苑川王是為

西秦

案十六國春秋乞伏國仁隴西鮮卑人其先自漢北南出太陰山五世有祐鄰者晉太始
初率戶五萬遷居高平川祐鄰卒子結權立遷於牽屯後遷於苑川有司繁者降前秦秦
王苻堅拜南單于留之長安後為鎮西將軍

鎮勇士川甚有威惠之稱司繁卒國仁立

案水經注苑川故漢牧苑之地也羌豪迷吾等萬餘人到襄武首陽平襄勇士至此抄苑
馬焚燒亭驛即此苑川水地為龍馬之沃土故馬援請與田戶中分以自給有東西二苑
城相去七里西城即伏乞所都元和志謂苑城在五泉縣時未置今縣元一統志在蘭州
西誤金縣志苑川城在縣東北勇士漢縣名屬天水郡為屬國都尉治王莽時改曰紀德

苑川屬今榆中
縣在皋蘭迤東
六十餘里俗名
賈子堡川晉考
武帝太元十年
乞伏國仁置苑
川郡築勇士城
居之

即故金縣安定兩縣地顏師古曰即今土俗呼
爲健土者也隋室之初避皇太子諱因而遂改

冬十一月前秦衛將軍楊定奔隴右

時苻定苻紹苻護苻亮皆自河北遣使謝罪中
山太守王兗固守博陵爲秦拒燕不以定等皆

略陽即今秦安縣

爲河北牧守楊定自西燕亡奔隴右收集舊衆竇衝據茲川有衆數萬與定及秦州刺史
王統河州毛興益州王廣南秦州楊璧皆自隴右遣使邀丕共擊後秦丕各進其位號定
尋徙治歷城自稱仇池公遣使稱藩於
晉後又取天水略陽之地自稱隴西王

後涼尉祐據允吾叛呂光遣將姜飛擊敗之

梁熙主簿尉祐姦佞傾險與武威太守
彭濟同執熙光寵信之祐潛殺名士十

餘人至是擢爲金城太守祐次允吾襲據
外城以叛光將姜飛擊敗祐衆祐奔興城

平番今改永登縣

案地理志一統志諸書皆謂允吾爲平番縣境豈知隋改故廣武郡都尉治爲允吾縣而
後平番始有允吾之名晉允吾縣沿漢之舊漢允吾在湟水南水經注湟水又東徑允吾
縣北爲鄭伯津則允吾在湟水之南可證已西甯府志允吾
縣故城在碾伯縣治東南楊應琚謂即今碾伯縣之下川口

丙十一年

前秦苻登太初元年後燕慕容垂建興元年後秦姚萇建初元年西燕慕容永
中興元年北魏道武帝拓拔珪登國元年後涼呂光太安元年前涼張大豫鳳

鳳元年

春正月南安祕宜伐西秦不克

宜帥羌胡萬餘人攻乞伏國仁國仁
將兵五千遂擊大破之宜奔還南安

秦王廣攻枹罕衛平襲擊破之後秦王萇如安定秦益州牧王廣自隴右引兵攻河州

襲廣大破之秦州牧王統遣兵助廣攻興嬰城自守

二月張大豫起兵攻姑臧初張天錫之南奔也秦長水校尉王穆匿其世子大豫與俱

姑臧穆曰呂光糧豐城固甲兵精銳不如席捲嶺西礪兵積粟然後東向不及暮年光可取也大豫不從自稱涼州牧使穆說諭嶺西諸都皆起兵應之保據楊塢明年秋七月大

豫為光所殺

案蒼松縣漢置屬武威郡後涼改為昌松郡縣屬焉即今古浪縣與永登連界隋唐因之在涼州東北一百五十里有白山戍餘見後隆安五年秋八月注

夏四月關隴諸郡復起兵應秦秦主丕以王永為左丞相傳檄四方共討姚萇慕容垂於是天水馮翊河東京兆扶風咸起兵遣使詣秦

秋八月後秦姚碩德據隴上自稱大將軍以應姚萇碩德故秦王苻堅將也至是起兵應萇以兄孫詳為安遠將軍

據隴城從孫訓為安西將軍據赤亭與秦秦州刺史王統相持萇會碩德攻統秦略陽太守王皮降之九月秦王統以秦州降於後秦後秦以姚碩德為使持節都督隴右諸軍事

秦州刺史鎮上邽

呂光滅前涼
張大豫事作
在明叙出妙
有明年秋七
月五字

秦以苻登爲南安王

登字文高堅族孫也苻堅時爲楊武將軍坐事黜爲狄道長及關中亂去縣歸河州牧毛興與以爲司馬登度量不羣出言輒析理中興

內服焉然敬憚而不能委任興死衆推衛平爲刺史至是枹罕諸氏以河州刺史衛平衰老議欲廢之會七夕宴氏啖青抽劍而前曰天下大亂非賢主不可濟衛公老矣宜返初服狄道長苻登王室族屬志略雄明請共立之有不同者卽下異議乃奮劍攘袂將斬異己者衆皆從之於是推登爲雍河二州牧帥衆五萬下隴攻南安拔之馳使請命秦主仍

封南安王

慕壽祺曰苻堅集賢勵志功雖未成而義烈慷慨矣夫苻氏子弟可稱者不徒登一人若健世子苻堅若揚武將軍苻善若右衛將軍苻雅若豫州牧苻暉皆以武略著名當時使秦居中州能以服事晉則諸苻未必爲亂臣也

冬十月秦苻登及後秦主苻萇戰於上邽大破之

登既克南安夷夏歸之者三萬餘戶遂進攻後秦主苻萇之弟碩德於秦州

後秦主苻萇救之與戰於胡奴阜大破之將軍啖青射中苻萇走保上邽姚碩德代之統衆胡奴阜地名在上邽之西

十一月秦苻登稱帝於南安

是年冬十月燕主慕容永擊秦敗之秦主丕帥騎數千南奔東垣謀襲洛陽燕將馮該自陝邀擊殺之執其太子甯

等送建康至是秦尙書寇遺奉渤海王懿自杏城奔南安登發丕喪行服議立懿爲主衆曰渤海年幼不堪多難非大王不可登乃卽帝位置百官

十二月呂光自稱酒泉公

初光得秦主堅凶問舉軍編素至是自稱涼州牧酒泉公

後秦攻秦秦將軍徐嵩以空壘降

秦主登立世祖神主於軍中載以輜輶衛以虎賁凡所欲爲必啓而後行引兵五萬東擊後秦將士

皆刻鋒鏑爲死休字每戰以劍稍爲方圓大陣知有厚薄從中分配故人自爲戰所向無前及登至秦將軍徐嵩以空壘降明年十二月後秦姚方成拔嵩壘執而數之嵩罵姚長

等方成怒立斬嵩悉坑其士卒

丁亥十一年

前秦太初二年後燕建興二年後秦建初二年北魏登國二年西燕中興二年西秦建義三年後涼太安二年

春正月後秦主苻徒

秦州豪傑十萬戶於安定

夏六月西秦王乞伏國仁襲鮮卑降其三部

國仁率三萬騎襲鮮卑大人密貴裕苟提倫三部於六泉秦遣兵救之國仁與

沒奕于金熙戰於渴渾川

沒奕于等大敗三部皆降

後秦主苻軍陰密以太子興守長安

陰密卽今靈臺縣古密須國地唐天寶元年改曰靈臺屬涇州

秋七月後秦主苻攻彭沛穀堡拔之擊西燕王永於河西

秦主登軍於瓦亭後秦主苻攻彭沛穀堡拔之

晉寧酒泉郡領
辟馬縣其地在
今玉門縣境

沛穀奔杏城莫還陰密秦主登進據胡空堡戎夏歸者十
餘萬莫進擊西燕王永於河西永走蘭槽復列兵拒守

呂光誅彭晃攻酒泉克之

呂光西平太守康甯自稱匈奴王殺遼河太守強稽以叛張
掖太守彭晃亦叛東接康甯西通王穆光欲自擊諸將皆以

為不可光曰今晃初叛與甯穆情契未密出其倉卒取之差易耳乃自率騎三萬倍道兼
行既至攻之二旬拔其城誅晃初王穆起兵遣使招敦煌處士張嘏嘏與同郡索嘏起兵
應穆既穆信讒言引兵攻嘏光聞之帥步騎二萬攻酒泉克之進
屯涼興穆引兵東遷衆潰穆單騎走驛馬令郭文斬之傳首於光

案酒泉即故肅州古西戎地戰國時月氏戎居之漢初為匈奴昆邪王分地武帝元狩二
年開治酒泉郡治福祿縣晉義熙初李嵩都此稱西涼曰後屬北涼後魏太武平涼州以
酒泉為軍屬敦煌郡孝昌中復置酒泉郡又地理志注應劭曰其
水若酒故曰酒泉顏師古曰舊俗傳云城下有金泉泉味如酒

案西平即今西甯府湟河郡故城在西甯碾伯縣東南東晉置十六國春秋咸康二年張
駿分河湟郡屬涼州攷水經注河水北經黃河城南西北去西平二百七十里或曰湟即
黃之訛也涼興郡名見後元熙二年注驛馬縣名晉置故城在今玉門縣境晉志酒泉郡
領驛馬縣後魏省寰宇記昔有驛馬三匹被匈奴掠去數載自歸以其地為邊防因立驛

馬

戊子十三年

前秦太初三年後燕建興三年後秦建初三年北魏登
國三年西秦太初元年西燕中興三年後涼太安三年

春正月秦主登軍朝

那後秦主苻登軍武都

登既僭即帝位所部勦伐姚萇爲堅復仇登曰吾亦欲東耳安能鬱鬱久居於此乎徐嵩敗後復繕甲募兵引師而東竇衝楊

定皆爲大將軍署各黃成張龍世新平羌雷惡地馮翊郭質等盡應之竇衝克萇汧雍二城登率衆下隴太初二年登次於瓦亭九月進據胡空堡戎夏歸者十有餘萬至是軍次朝那後秦主姚萇聞之親率軍據武都相持累戰互有勝負

案瓦亭關名在今固原境東漢初隗囂使其將牛邯守瓦亭卽此一統志瓦亭關在固原瓦亭山西今爲走平涼大道朝那縣名屬安定郡方輿記漢之朝那在今鎮原縣境內餘詳漢文帝十四年匈奴入朝那注武都城名在陝西乾州之東如必謂卽昔之階州則萇在隴之南登在隴之東如風馬牛不相及兩秦相持何從決勝負

夏六月西秦王乞伏國仁卒弟乾歸立

是年夏四月國仁破鮮卑越質叱黎於平襄獲其子詰歸至是卒遣命立其弟乾歸乾歸

既立自號河南王秋九月由苑川遷都金城改太初元年擊侯年部破之於是秦涼鮮卑元胡多附之明年春正月秦主苻登遣使置乾歸大將軍大單于金城冬十一月枹罕羌彭奚念附於乾歸

秋七月秦主登攻後秦右將軍吳忠等於平涼克之

兩秦自春相持累戰互有勝負至是登克平涼關西豪傑以後

秦無成功多去而附秦

案晉安定郡治臨涇領縣七並無平涼至元魏時始置平涼郡領縣二曰鶉陰曰陰密考隋志後魏於鶉陰置平涼郡即今上良崇信之地隋大業初置平涼郡治平高仍以鎮原爲治所自金於平涼置府張彥中鑿六盤水洛之徑今平涼府始爲通衢鎮原遂爲山僻小縣矣

呂光殺其太守杜進

先是光入涼州郡縣皆降獨酒泉西郡宋皓索泮不下光收而執之皆殺之至是復殺杜進涼州人由是不悅初光之定涼州也進

功居多貴寵用事羣僚莫及光甥石聰自關中來光問之曰中州人言我爲政何如聰曰但聞有杜進耳不聞有舅光由是忌進殺之他日與羣僚語及政事參軍段業曰明公用法太峻光曰吳起無恩而楚彊商鞅嚴刑而秦興業曰起喪其身鞅亡其家皆殘酷之致也明公慕之豈此州士女所望哉光改容謝之

慕壽祺曰光人姑臧乘機攫取外有強敵人心未甯固圍綏疆惟賢太守是賴今無故而殺有功之臣誅巫咸戮扁鵲恐養成膏肓之疾後欲救之不可及已

己丑十四年

前秦太初四年後燕建興四年後秦建初四年魏登國四年西秦太初二年西燕中興三年後涼呂光麟嘉元年

春二月呂光自稱

三河王

初光之定涼州也羣僚勸進光曰長蛇未殄方掃國難宜進位元台是年正月麟見金澤縣百獸從之於景羣僚表請崇進名號乃即位於南郊自稱三河王改元

麟嘉置官司承郎以下猶攝州縣事

案一統志金澤縣初名玉石縣又作喻石縣在今甘州張掖縣南前涼張駿田於建西踰玉石縣改玉石爲金澤縣又初學記光僭號時敦煌太守宋歆獻心之棗太平御覽光太

宗二年龜茲國使至貢寶貨奇珍汗血馬三年白雀巢於陽川令蓋敏室藝文類聚光武安三年白燕遊酒泉郡黑列從光又改武興故郡置嘉麟縣元和志涼州管嘉麟縣本漢宣威縣前涼張軌於此置武興郡後廢嘉麟故城在涼州武威縣西北

三月秦主登攻後秦天水太守張業於隴東秦救之登引去

後涼邱池令尹興殺張掖督郵傅曜

呂光卽三河王位曜見夢於光曰臣張掖郡小吏按較諸縣而邱池令尹興賊狀狼藉懼臣言之殺

臣投於南亭空井中臣衣服形狀如是光寤而猶見久之乃滅光遣使覆之如夢爲殺興

案邱池無考或氏池之訛地理志氏池縣漢置屬張掖郡十六國春秋禿髮傉檀宏昌五年伐沮渠蒙遜次於氏池嬰城固守刈其禾苗至赤亭而還甘州府志氏池故城在張掖

縣西南一百六十里

秋八月秦主登擊安定後秦主苻襲破其輜重秦后毛氏死之

初後秦主苻以秦戰屢勝謂得秦王

堅之助亦於軍中立堅像而禱之曰新平之禍臣爲兄襄報讎耳且陛下命臣以龍驤建業臣敢違之秦主登升樓遙謂之曰爲臣弑君而立像求福庸有益乎因大呼曰弑君賊姚萇何不自出吾與汝決之萇不應久之以軍未有利斬像首以送秦至是登留輜重於大界自將輕騎攻安定諸將勸萇決戰萇曰與羣寇爭勝兵家之忌也吾將以計取之乃

留兵守安定夜帥騎三萬襲大界克之擒名將數十人掠男女五萬口登后毛氏美而勇善騎射兵入其營猶彎弓跨馬帥壯士力戰殺七百餘人衆寡不敵爲後秦所執蕤將納之毛氏罵且哭曰姚萇汝已殺天子又欲辱皇后皇天后土甯汝容乎蕤殺之

九月楊定攻後秦隴城冀城克之

後秦主蕤以從弟常戍隴城邢奴戍冀城姚詳戍略陽楊定攻隴冀克之斬常執邢奴詳棄略陽奔陰密

定自稱秦州牧蕤復遣將軍王破虜略地

秦州定與戰於清水之格奴坂大敗之

案冀城卽故伏羌縣今改爲甘谷春秋時爲冀戎所居秦武公十年伐冀戎初縣之漢置冀縣屬天水郡東漢西羌傳云渭首有冀戎皆指伏羌而言魯僖公二年晉假道於虞曰冀爲不道入自顛軫伐郟二門杜注冀國名平陽皮氏縣東北有冀亭故伏羌縣距虞千有餘里山西之冀亭殆名同耳非一地也隴城故縣在今秦安縣東北九十里隋志天水郡隴城縣舊曰略陽置略陽郡後廢

秦主登攻張龍世於鴛泉堡長救之登引退

庚十五年

前秦太初五年後燕建興五年後秦建初五年魏登國五年西秦太初三年西燕中興四年後涼呂光麟嘉二年

春呂光以沮渠羅

仇爲西甯太守

往年蝗蟲所到之處產子地中至春盡生或一頃二頃覆地跳躍宿昔變異光躬臨撲蟲幸揚川灑水北光所到蟲尋斂是以麥苗損耗無幾

辛十六年

前秦太初六年後燕建興六年後秦建初六年
魏登國六年後涼麟嘉三年西秦太初四年

冬十二月秦主登攻安定

後秦主萇擊退之

先是馮翊人郭賀起兵應秦三輔壁壘皆應之獨鄭縣人苟曜不從附於後秦是年夏五月曜密召秦主登許為內應登自曲牟赴

之軍於馬頭原後秦主萇率眾逆戰大敗之登用兵遲緩不識虛實此次輕兵直進為萇所敗至是登又攻安定萇如陰密以拒之敗於安定城東登退據路承堡尋引退

案後秦錄萇如陰密謂太子興曰苟曜聞吾北行必來見汝汝執殺之及登退據路承堡萇置酒高會諸將皆曰若值魏武王不令此賊至今陛下將牢太過耳萇笑曰吾不如亡

兄有四身長八尺五寸臂垂過膝人望而畏之一也將十萬之眾望麾而進前無橫陣二也溫古知今講論道藝收羅英俊三也董帥大眾人盡死力四也所以得建立功業驅策

諸賢者正望算略中有片長耳魏武王者姚萇兄襄也先襄攻秦為苻堅所殺後萇僭位追諡為魏武王

又案胡氏通鑑注路承人姓名喪亂時築此堡因名為涇州志路承堡在州東南與鎮原潛夫山大通毛伯勝堡皆地以人傳也陰密漢置其故城在今靈臺縣西漢安定郡今即

鎮原縣

壬十七年

前秦太初七年後燕建興七年後秦建初七年北魏登國七年後涼麟嘉四年西秦太初五年西燕申興七年

秋七月秦主登引兵

逼安定後秦主萇拒卻之

是年春三月後秦主萇寢疾召太子興由長安詣行營姚方成言於興曰今寇敵未滅將軍王統徐成等各有部曲終為

人患興遂殺統及王廣苻胤徐成毛盛等喪病中間之大怒曰統兄弟吾之州里成等前朝名將吾方用之奈何輒殺之然猶與登相持不即引兵還至是秦主登聞薨久病且自殺良將大喜秣馬厲兵後逼安定薨疾小瘳出兵拒之登懼而還薨夜引兵躡其後且而候騎告曰賊營已空不知所向登驚曰彼爲何人去來不令我覺謂其將死忽然復至朕與此羌同世何其厄哉登遂還雍薨亦還安定

八月後涼王呂光遣呂方呂寶攻乾歸於金城敗績

光遣其中郎將呂方及其弟右將軍呂寶攻乞伏乾歸於金城

方屯河北寶進師濟河爲乾歸所敗寶及將士投河死者萬餘人

冬十二月休官權小城據顯親自稱秦州牧

案顯親古成紀地漢光武分成紀爲顯親侯國二縣屬漢陽郡魏晉皆屬天水永郡其城在今秦安縣樂史漢顯親廢縣在成紀縣東南王存曰成紀城在顯親故城北三十里舊唐書志成紀舊小坑川開元中移治敬親川即顯親川也顯親川在秦安縣西北縣北又有顯親峽

癸巳十八年

前秦太初八年後燕建興八年後秦建初八年北魏登國八年後涼麟嘉五年西秦太初六年西燕中興八年

秦主登與姚萇將姚

崇爭麥於清水累爲崇所敗

登進逼安定去城九十餘里薨疾小瘳率衆拒登登懼退還

案清水故縣在今清水縣西十五里牛頭山下俗亦謂之西城漢置公孫述初爲令於此後漢省晉復置唐陷入吐蕃大中二年收復權隸鳳翔府後唐長興初移置於上邦鎮宋復故地至漢陽天水間漢置阿陽縣卽今清水縣之張家川鄜道元水經注隴水經阿陽故縣是北魏無阿陽縣之設置靜甯州舊志謂靜甯在元魏時爲阿陽縣其說非也慕壽祺曰怨毒之於人甚矣哉姚萇凶虐毒被神人苻氏舊臣三輔豪傑皆聲罪致討起兵應秦况登爲苻氏之孫乎觀其載木主而出征與敵軍爭割麥何嘗須臾忘復仇耶惟是時歲旱衆饑道殣相望每戰殺賊名爲熟食謂軍人曰汝等朝戰暮飽肉何憂於饑士衆噉死人肉輒飽健能鬪此與黃巢末年食死人骨無異戰事之結果如此此豈不可以已乎

秋七月秦竇衝叛秦主登討之後秦使太子興救衝遂襲平涼

秦丞相竇衝叛稱秦王改元秦主登

討之衝求救於後秦尹緯言於後秦主萇曰太子仁厚有聞而英略未著請使擊登萇從之使與將兵攻胡空堡登解衝圍以赴之興因襲平涼大獲而歸復鎮長安

冬十一月後秦主萇卒太子興帥兵擊秦

長疾甚還長安召太尉姚旻僕射尹緯等受遺輔政謂太子興曰有毀此諸公者慎

勿受之汝撫骨肉以恩接大臣以禮待物以信遇民以仁四者不失吾無憂矣萇卒興祕不發喪自稱大將軍帥衆伐秦

甲午 十九年

前秦苻崇延初元年後燕建興九年後秦姚興皇初元年北魏登嗣九年後涼麟嘉六年西秦太初七年是歲前秦及西燕亡

春正月三河

王光以禿髮烏孤

鮮卑樹機能後是爲南涼烈祖

爲河西都統

烏孤雄勇有大志與大將紛陁謀取涼州紛陁曰公必欲得涼州宜先務

農講武禮賢修政然後可也烏孤從之呂光遣使拜烏孤鮮卑大都統羣下皆曰吾士馬衆多何爲屬人石真若留曰吾根本未固大小非敵不如受以驕之俟釁而動烏孤乃受之案前涼錄禿髮烏孤鮮卑別種與拓跋同祖其八世祖正孤率其部自塞北遷於河西其後有思復鞭者部衆轉盛遂據涼土鞭卒子烏孤襲位養民務農修結鄰好呂光封烏王廣武郡公益州牧左賢孤至是復署爲河西都統

上邦人姜乳據本縣稱秦州刺史

夏四月秦主登及後秦戰敗績奔平涼

秦主登聞後秦主叟死喜曰姚興小兒吾折杖笞之耳乃留安成王廣守雍太子崇守胡空堡

盡衆而東後秦太子興使尹緯據廢橋以待之秦兵爭水不得渴死十二三緯與戰大敗之其衆夜潰登單騎奔雍崇廣皆棄城走登奔平涼收遺衆入馬毛山是年七月興如安定涇陽與登戰登敗見殺興又討平涼胡於水洛城克之徙安定數千戶於蒲版

案鎮原志馬毛山卽牽絛山晉書作牽屯山俗訛爲黃毛梁魏書宇文泰軍出木峽關令宇文遵追侯莫陳悅於牽屯山斬之屯條必有訛誤又案魏恭帝三年宇文泰襲吐谷渾北渡河還至牽屯山病驛召中山公至涇州付後事皆此地也今屬固原州俗又訛爲黃條梁

符登集雖散之
兵厲死不休之
雖棄寡不敵難
以立功而義烈
慷慨有足稱矣

又案史記秦始皇二十七年巡隴西北地出鷄頭山一作开頭又作薄落漢書地理志涇陽縣开頭山在西涇水所出酈道元曰升頭山大隴之別名括地志笄頭山一名空峒山在原州平陽縣西百里禹貢涇水所出輿地志云或即鷄頭山也淮南地訓涇水薄落之山許慎曰薄落山一名峴頭山又有作牽屯及开屯者崖鴻十六國春秋乞伏結權自高平遷於牽屯杜佑曰笄頭山亦譌爲牽屯山开又譌爲牽也空同山在今平涼縣西四十里笄頭者空同之一峯耳或曰空同笄頭當是一山而異名者

秋七月後秦主興擊秦主登殺之秦太子崇立奔湟中

初登之東也留太子崇守胡空堡崇聞登敗棄城出

奔登至無歸乃奔平涼收集遺兵入馬毛山七月興攻登於馬毛登遣子崇質於隴西鮮卑乞伏乾歸結婚請援乾歸遣騎二萬救登登引軍出迎與興戰於山南爲興所敗死之時年五十二子崇奔於湟中僭稱尊號改年延初
謚登爲高皇帝十月崇爲乾歸所逐奔於楊定

冬十月秦主崇及隴西王楊定

是爲仇池楊氏第八世

攻西秦兵敗皆死定弟盛遣使稱

藩於晉

隴西楊定帥衆二萬與秦主苻崇共攻乾歸乾歸遣涼州牧軻彈立義將軍結歸等帥騎三萬拒之大敗定兵殺定及崇斬首萬七千級苻氏遂亡乾歸於是

盡有隴西之地自稱秦王定叔父之子盛先守仇池自稱秦州刺史仇池公乃遣使稱藩於晉分氏羌爲二十部護軍各爲鎮戍不置郡縣

案晉史前秦苻堅之敗定盡力奉堅堅死乃將家奔隴右徙治仇池北百二十里之歷城而置倉儲於百頃稱藩於晉孝武求割天水之西縣武都之上祿爲仇池郡孝武許之至

是爲乾歸所殺
無子弟盛立

又案前秦錄苻健蒲洪子據長安稱帝國號秦健死其子生立爲苻堅所弑堅自立爲慕容冲攻長安出奔後秦姚萇執之初堅出奔時其子不知長安不守卽位晉陽爲慕容永所殺其子登卽位南安爲姚興所殺子崇奔湟中爲西秦所滅自苻健皇始元年歲在辛亥及苻氏敗亡歲在甲午享國四十四年

又案漢志西縣有蟠冢山秦漢時西縣亦稱西城其他在今禮縣東南數十里括地志西縣故城在上邽縣西南九十里本周西犬戎地與秦仲子莊公爲西垂大夫後因置西縣屬隴西郡漢初周勃樊噲擊破西丞東漢建武八年隗囂奔西城謂西縣城也蜀後主建興六年丞相亮屯西縣聞馬謖街亭之敗乃拔西縣千餘家還漢中宋書楊定奔還隴右徙治西縣界之歷城在仇池北百二十里陝西漢中府亦有西縣名同而地不同

乙未二十年

後燕建興十年後秦皇初二年北魏登國十年後涼麟嘉七年西秦太初八年

夏四月西秦王乾歸遣乞伏益州

討姜乳至大寒嶺

在上邽

乳率兵拒戰益州敗還

是年六月西秦王乾歸遷於西城

五月秃髮烏孤擊乙弗降之徙都廉川

烏孤擊乙弗折掘部降之徙都廉川廣武趙振少好奇略棄家從烏孤烏孤喜曰吾得趙

生大事濟矣拜左司馬至其弟偁檀又遷都於樂都

秃髮氏世居河西卽晉武帝時攻陷涼州樹機能之後

案乙弗代北複姓其部落在吐谷渾之北國有屈海周回千餘里衆有萬落風俗與吐谷渾同然不識五穀本草注乙弗虜之地不種五穀惟食蘇子張澍曰蘇子狀若中國枸杞子或赤或黑廉川在今西甯碾伯縣東近平番界烏孤擊降乙弗折掘等部築湟中廉川城都之卽此注者或指爲興元府廉水縣誤矣

又案晉書及南涼錄乞伏氏之先亦居樂都在昔有如弗斯出連吐盧三部自漠北南出大陰山遇一巨蟲於路狀若神龜大如陵阜乃殺馬而祭之祝曰若善神也便開路惡神也遂塞不通俄而不見年十歲驍勇善騎射彎弓五百斤四部服其雄武推爲統主號之曰乞伏可汗託繹莫何託繹者言非神非人之稱也其後有祐鄰者卽國仁五世祖襲樂都降僣檀之熾磐

卽國仁從子也

慕壽祺曰多田不耕何救飢敝拓境不甯無益於強乙弗在吐谷渾之北不與中國通烏狐狙屢勝之師入不毛之地糧遠而糴繼士勞而幾疲此固行軍者之大忌敵雖暫時請降久而不爲我屬逮至禿髮僣檀因襲乙弗而根本動搖究何益於強哉

甘肅青史略卷三終

內政部註冊冊

版權所有



不許翻印

甘寧青史略 正編廿六卷
附編十四卷

定價全部二十五元

著者 隴東慕少堂

出版者 蘭州俊華印書館

代表人 郭偉堂

發行者 蘭州俊華印書館

東大街五十七號

中華民國二十五年十二月初版

國家圖書館



003150478



線

671.6

8432

25

v. 3